

GOSPEL MARK E AR JE.

JAPTER 1.

JINOIN gospel an Jisös Kralst Nejin Anij.

Mat. 14. 33.

2 Einwöt dri kanan Aisala e ar je, Lo, Ij jilkinlok dri jilika iman menjöm, eo e naj kapojök am ial;

Mal. 3. 1. Mat. 11. 10. Luk 7. 27.

3 Ainiken juön ej lamij i ene jemaren im ba, Komin kapojök ial an Iroj, komin kajime ial ko An: Isa. 40. 3. Mat. 3. 1-11. Luk 3. 2-16. Jon 1. 15, 23.

4 Jon e ar itok im baptais i ene jemaren, im kwalok baptais eo an ukwelok kin julok jerawiwi ko.

Jon 3. 23.

5 Im aolepen ene Judia r'ar ilok fiön iben, im dri Jerusalem otemjej, im ej baptais iruij ilo river Jordan, im rej kwalok jerawiwi ko air.

6 Im Jon ej balle kin nuknuk kolan kamel, im kabol ibin kin kañör killin kiru; im ej möña lokös ko im höne awia.

Levai 11. 22.

7 Im ej kwalok im ba, Eo e kajur jen iö ej battok jen fla, kworön balin neen I betkake in barikrik im jelate.

Jon 1. 27. Jerb. 13. 25.

8 I ar baptais kom ilo dren; a E naj baptais kom ilo Jitöb Kwojar-jar.

Jerb. 1. 5. & 2. 4.

9 Im ilo ran ko, Jisös e ar itok jen Nazeret i Galili, im Jon e ar baptais E ilo Jordan.

Mat. 3. 13-17. Luk 3. 21.

10 Im kiökiö Ej ato jen dren im lo löñ emjallok, im Jitöb einwöt muli Ej kälöltok ion:

Jon 1. 32.

11 Im ainiken ej itok jen löñ, im

ba, Kwe Nejlö jitenburu iba, Ij mönönö kake Yuk.

Sam 2. 7. Jap. 9. 7.

12 Im e jabrumij an Jitöb jilkinlok E fiön ene jemaren.

Mat. 4. 1-11. Luk 4. 1-13.

13 Im Ej ber i ene jemaren iomin eñoul ran im Setan ej kabo E; im Ej ber iben kiru ko r'awia: im enjel ro rej jermal fiön E.

14 Im elikin ketök Jon, Jisös ej itok ilo Galili, im kwalok gospel an ailiñ in Anij,

Mat. 4. 12, 23.

15 Im ba, Ejejit ien, im ebak ailiñ in Anij: komin ukwelok ibemi, im tömak ilo gospel.

Dan. 9. 25. Gal. 4. 4. Ep. 1. 10. Mat. 3. 2. & 4. 17.

16 Im ke Ej etetal iturin lomalo in Galili, Ej lo Salmön im Andru jätin Salmön rej dror ok i lojit; bwe dri añwör irro.

Mat. 4. 18-22. Luk 5. 4-11.

17 Im Jisös e ba fiön ir, Komin iten lor Iö, im I naj likit kom dri añwör armij.

18 Im emöcköj air ilok jen ok ko air, im lor E.

Mat. 19. 27.

19 Im ke emwij An ilok jirik jen ijo, Ej lo Jemes nejin Zebedi, im Jon jätin, rej bareinwöt ilo wa im kanori ok ko.

20 Im emöcköj An kirtok irro: im rej likit jemeir Zebedi ilo wa eo iben ro dri jermal, im rejro ilem lor E.

21 Im rej dreloñ ilonan Kapernaum, im emöcköj ilo ran Sabat Ej dreloñ ilonan imön kwelok eo, im katakin.

Mat. 4. 13. Luk 4. 31-37.

22 Im re bwilöñ kin An nan in

katak; bwe Ej katakin ir einwöt iroi, im jab einwöt skraib ro.

Mat. 7. 28.

23 Im juön emau ej ber iloan imöñ kwelok eo air, im jitöb ötton ej miok na enbwini; im ej lamij,

Luk 4. 33.

24 Im ba, Ta eo ibem im iböñ, kwe Jisös dri Nazeret? Kwoj iten kokkure kim ke? Ij kili Yuk, Dri Kwojarjar an Anij.

Mat. 8. 20.

25 Im Jisös ej kowe e, im ba, Kwon iköñ, im ilok jen e.

26 Im ke emwij an jitöb ötton kekel e, im lamij im elap ainiken, ej jutöklok jen e.

jav. 9. 20.

27 Im ir otemjej re bwilöñ, bwe rej kajitök iben dron, im ba, Ta men in? Nan in katak ekäl! bwe kin an iroi Ej jiroñ jitöb ötton ro, im rej bokake E.

28 Im emököj An buñbuñlok ijo ko otemjej i aolepen ene Galili iturin.

29 Im kiöklö, ke emwij air drioi-jlok jen imöñ kwelok eo, rej dreloñ iloan imöñ Saimön im Andru, iben Jemes im Jon.

Mat. 8. 14. Luk 4. 38.

30 A jilben Saimön ej babu enañmij kin bwil; im emököj air ba ñön E kin e.

31 Im Ej itok im kapjere pein, im kejerkak e; im nañiumij in bwil ej ilok jen e, im lio ej jerbal ñön ir.

32 Im ejota, ke etulok al, rej böktok ñön E ro otemjej re nañiumij, im ro dimon r'ar miok na enbwini.

Mat. 8. 16. Luk 4. 40.

33 Im dri jikin kwelok otemjej r'ar mattok ñön iturin kejem.

34 Im Ej kemour elöñ ro re nañiumij kin jabrewöt nañiumij, im kajutöklok elöñ dimon; im Ej boprae an dimon ro konono, bwe re kil E.

jav. 3. 12. Luk 4. 41.

35 Im ke ilju Ej jerkak eto jen rantak, im drioi im ilok ñön ene jemaren, im Ej jar ie.

Luk 4. 42-44.

46

36 Im Saimön im ro iben rej ilok i loköulok.

37 Im ke emwij air lo E, re ba ñöu E, Ir otemjej rej kabukot Yuk.

38 Im E ba ñöu ir, Jen ilok ñöu jikin kwelok köñ rebak, bwe In bareinwöt kwalok ijo ko; bwe kin men in I ar itok.

Isa. 61. 1. Jon 18. 28. & 17. 4.

39 Im Ej dreloñ iloan imöñ kwelok ko air i aolepen Galili, im kwalok im kajutöklok dimon röu.

Mat. 4. 23.

40 Im ej itok juön leper ñön iben im akwelap ñön E, im bukwelölö ñön E, im ba ñön E, Elafie Kwo könan, Kwoj maroñ in karreo iö.

Mat. 8. 2. Luk 5. 12-15.

41 Im kin An tiriame, Ej erlokwe pein, im uñire, im ba ñön e, I könan; kwon erre.

42 Im ejabrumij au nañinmij in leper eo ilok jen e, im ej erre.

43 Im elap An kowe e, im emököj An jilkinlok e,

44 Im E ba ñön e, Lale bwe kwon jab kennanek jabrewöt armij: a kwon ilok, kwon möke kwalok yuk ñön pris eo, im lelok men ko Moses e ar jiroñ kin karreo yuk, kin kennan ñön ir.

Levi 14. 3, 4, 10.

45 A e drioi-jlok, im jino elap au kennan, im kabuñbuñlok men eo: kin men in Jisös e ban dreloñ alikar iloan jikin kwelok, a Ej ber i ene jemaren ko, im armij rej itok ñön E jen ijo ko otemjej.

jav. 2. 13.

JAPTER 2.

IM elikin jet ran Ej bar dreloñ iloan Kaperneum, im e buñbuñ bwe Ej ber iloan im.

Mat. 9. 1-8. Luk 5. 17.

2 Im elöñ emököj air kweloklok, im ejelok jikir ijo ak iturin kejem: im Ej ba ñön ir nan eo.

3 Im rej itok ñön E, im böktok juön armij e akā, emen ro rej böktok.

4 Im ke re ban kebak E kin elap jar eo, rej kebellok mötön kejenwan

ikijen ijo Ej ber ie: im ke emwij air rupe, rej katolöltak kinien leo e akā ej babu ion.

5 Ke Jisōs ej lo air tōmak, E ba ñōn leo e akā, Nejiō, ejoko jera-wiwi ko am.

6 A jet ian skraib ro rej jijōt ijo, rej lemnok ilo burueir,

7 Etke armij in ej ba ein drein? Ej blaspim: wōn ej maroñ in jeorilok jerawiwi ko, a Anij wōt?

Job 14. 4. Isa. 43. 25.

8 Im emōkōj, ke Jisōs e jela ilo an bwe ein drein air lemnok iloir, E ba ñōn ir, Etke komij lemnok men kein ilo buruemi?

9 Ewi iairro emōra in ba ñōn leo e akā, Ejoko jerawiwi ko am; ak Kwon jerkak im bōk kiniōm im etal?

10 A bwe komin jela bwe Nejin armij e maroñ in jeorilok jerawiwi ko ion lōl, (E ba ñōn leo e akā,)

11 Ij ba ñōn yuk, Kwon jerkak, im bōk kiniōm, im ilok ñōn mweo imōm.

12 Im emōkōj an jerkak, im bōk kinien, im drioielok iman mejeir otemjej: inem ir otemjej re bwilōñ, im wijtake Anij, im ba, Kim ar jab loe im einwōt in mokta.

13 Im Ej bar etal ñōn iturin lojit: im aolepen jar eo rej kweloklok ñōn iben, im Ej katakin ir.

14 Im ke Ej kijone, Ej lo Lival nejin Alpiōs ej jijōt ilo jikin tel owōj, im E ba ñōn e, Kwon lor Iō. Im e jutōk im lor E.

Mat. 9. 9-13. Luk 5. 27-32.

15 Im ke Jisōs ej jiberak im mōña iloan mweo imōn, elōñ dri tel owōj im dri jerawiwi rej jimor jiberak iben Jisōs im ro dri kaloran; bwe relōñ, im rej lor E.

16 Im ke skraib ro im Parisi ro rej lo An mōña iben ro dri tel owōj im dri jerawiwi, re ba ñōn ro dri kaloran, Ej mōña im irak iben dri tel owōj im dri jerawiwi rōn.

17 Im ke Jisōs ej roñjake, E ba ñōn ir, Ro re jab nañinmij re jab aikwij dru uno, a ro re nañinmij

wōt. I ar jab iten kirtok ro remōn, a ro renana.

Mat. 18. 11. Luk 19. 10. 1 Tim. 1. 15.

18 Im ro dri kaloran Jon im Parisi ro r'ar jitlok: im rej item ba ñōn E; Etke ro dri kaloran Jon im ro dri kaloran Parisi rōn rej jitlok, a ro dri kaloram re jab jitlok?

Mat. 9. 14. Luk 5. 33.

19 Im Jisōs e ba ñōn ir, Ro jeran eo ej belele rej jitlok ke leo ej ber ibeir ke? toñ wōt ke leo ej ber ibeir re ban jitlok.

20 A ran ko re naj itok ñe naj bōklok leo jen ibeir, inem re naj jitlok ilo ran eo.

21 Im ejelok armij ej keke nuk-nuk e jañin jin na ilo nuknuk emor; elañe einwōt, mōtōn nuk-nuk eo ekāl, im ar karbin kake, ej kekel nuknuk eo emor, im enana-lok an biotōk.

22 Im ejelok armij ej eteñ wain ekāl na ilo bōkā kilin kiru remor; elañe einwōt wain eo ekāl ej rupe bōkā ko, im ejoko wain kab bōkā ko: a rej eteñ wain ekāl na ilo bōkā rekāl.

23 Im Ej etal ilo jikin kallip korn ko ilo ran Sabat; im dri kaloran ke rej etal, re jino air loti leen korn.

Mat. 12. 1-8. Luk 6. 1-11. Dut. 23. 25.

24 Im Parisi ro re ba ñōn E, Lo, etke rej kōmōn men eo emo ilo ran Sabat?

25 Im E ba ñōn ir, Kom ar jab konono ilo Buk ke ta eo Devid e ar kōmōn ke ej aikwij im kwuli, e im ro r'ar ber iben?

1 Samuel 21. 6.

26 Ekijkan an dreloñ iloan imōn Anij ke Abaietar ej pris laplap, im e ar mōña bred in kalikar emo bwe en mōña, a pris ro wōt, im e ar lelok ñōn ro rej ber iben?

Eks. 29. 32, 33. Levai 24. 9.

27 Im E ba ñōn ir, Sabat ar kōmōne ñōn armij rōn, im jab armij ñōn Sabat:

28 Inem Nejin armij Ej Iroi in Sabat.

Mat. 12. 8.

JAPTER 3.

IM Ej bar dreloñ iloan imōn kwe-lok; im juōn eman ej ber ie, emōra pein.

Mat. 12. 9-14. Luk 6. 6-11.

2 Im rej kejar E, elañe E naj kemour e ilo ran Sabat; bwe ren kinaklok E.

3 Im E ba ñōn armij emōra pein, Kwon jutōk ilo bwilij.

4 Im E ba ñōn ir, Emelim ke kōmōnmōn emōn ilo Sabat ko, ak kōmōnmōn nana? kemour ke, ak mōn? A rej ikōñ.

5 Im ke Ej reilok ñōn ir kin illu, bwe Ej buromōj kin an biu burueir, Ej ba ñōn armij eo, Kwon erlokwe peōm. Im ej erlokwe; im pein emour im einwōt pein eo juōn.

6 Im Parisi ro rej drioijslok, im emōkōj air bebe iben ro dron Herod kin E, e naj kijkan air mōn E.

Mat. 22. 16.

7 Im Jisōs kab ro dri kaloran ej ilok ñōn iturin lomalo: im elap jar eo rej lor E jen Galili: im jen Judia,

Luk 6. 17.

8 Im jen Jerusalem, im jen Aidumia, im jen rear in Jordan, im jen iturin Tair im Saidōn, jar eo e kanuij lap, ke emwij air rōnjake men ko relap E ar kōmōni, rej itok ñōn iben.

9 Im E ba ñōn ro dri kaloran, bwe en juōn wa erik iben, kin an lap jar eo, bwe ren jab kobaj E.

10 Bwe E ar kemour elōñ; kin men eo jabrewōt ro re nañinmij rej irerelok ñōn E bwe ren uñir E.

11 Im jitōb otton ro, ke rej lo E, re buñ iman mejen, im lamij, im ba, Kwe Nejin Anij.

jap. 1. 23. Luk 4. 41. Mat. 14. 33. jap. 1. 1.

12 Im elap An kowe ir bwe ren jab kajelaik armij kin E.

Mat. 12. 16. jap. 1. 25, 34.

13 Im Ej wōnlislok ion tol eo, im Ej kirtok ro E kōnan; im rej itok ñōn iben.

Mat. 10. 1. Luk 6. 12. & 9. 1.

14 Im Ej likit jōñoul im ruo bwe

48

ren ber iben, im bwe En jilkinlok ir bwe ren kwalok,

15 Im bwe ren maroñ in kajutōklok dimon ro.

16 Im Ej naetan Saimōn ātkālen Piter;

Jon 1. 42.

17 Im Jemes nejin Zebedi im Jon jātin Jemes; im Ej naetairro ātkālen Boanerjis, einwōt ro uejin jorur:

18 Im Andru, im Pilip, im Bartolomu, im Matu, im Tomas, im Jemes nejin Alpiōs, im Tadiōs, im Saimōn dri Kena,

19 Im Judas Iskariōt, eo ej ketōk E: im rej dreloñ iloan juōn im.

20 Im jar eo rej bar kweloklok; inem re jab maroñ in mōña bred.

jap. 6. 31.

21 Im ke ro nukin rej roñjake, re drioijslok bwe ren jñbwe E; bwe re ba Ej uriekak.

Jon 7. 5. & 10. 20.

22 Im skraib ro r'ar wōnlōltak jen Jerusalem, re ba, Beelzebub ej ber iben, im Ej kajutōklok dimon ro kin iroj in dimon ro.

Mat. 9. 34. & 10. 25. Luk 11. 15. Jon 7. 20. & 8. 48, 52. & 10. 20.

23 Im Ej kirtok ir, im ba ñōn ir ilo parebōl ko, Ekijkan an Setan maroñ in kajutōklok Setan?

Mat. 12. 25-29.

24 Im elañe ailiñ e jibil jimōtōn jumae jimōtōn, ailiñ eo e jamin berwōt.

25 Im elañe im ej jibil jimōtōn jumae jimōtōn, mwēo e ban berwōt.

26 Im elañe Setan ej mōke jutōk jumae e im e jibil, e ban ber in jutōk, a e naj joko.

27 Ejelok armij e maroñ dreloñ iloan mwēo imōn eo e kajur, im rakimi men ko mwēien, elañe e jab lukwōj leo e kajur mokta; inem e naj rakimi mwēo imōn.

Isa. 49. 24.

28 Emol Ij ba ñōn kom, Jerawiwi otemej naj jeorlok jen ro nejin armij rōn, im jabrewōt blaspm ko re naj blaspm kaki;

Mat. 12. 31. Luk 12. 10.

29 A jabrewōteo e naj blasphem nae Jitōb Kwojarjar, E jamin jeorlok an jerawiwi, a eor ruōn in drīo.

30 Bwe r'ar ba, Jitōb ōtton ej ber iben.

31 Inem ro jātīn im jinen rej itok, im, ke rej jutōk inablj, rej jiliklok ñōn E, im kir E.

Mat. 12. 46-50. Luk 8. 19-21.

32 Im jar eo rej jijōt iturin, im re ba ñōn E, Lo, jinōm im ro jātōm rej inablj im kabukot Yuk.

33 Im E uak ir, im ba, Wōn jinō, ak jātīō man rōn?

34 Im Ej rellok ñōn ro rej lajerōk iturin, im ba, Lo, jinō im ro jātīō man.

35 Bwe eo ej kōmōnmōn ankil an Anij, e in jātīō man im kōra, im jinō.

JAPTER 4.

IM Ej bar jino An katakin iturin lojit. Im elap jar eo rej kweloklok ñōn iben, inem Ej uwe ion wa, im jijōt ilo lojit; im aolepen jar eo rej ber iturin lojit ion eue.

Mat. 13. 1-15. Luk 8. 4-10.

2 Im Ej katakin ir men ko relōñ ilo parebōl ko, im E ba ñōn ir ilo An katakin,

jap. 12. 38.

3 Komin roñjake: lo, dri jeor e ar ilen jeor.

4 Im ke ej jeor, jet ine rej buñōt iturin ial, im bao in mejatoto rej kātem kōñi.

5 Im jet re buñōt ijo erkāke, ijo erik brij ie; im emōkōj an edrek, bwe ebijbij brij;

6 Ak ke ej lolīñ al e kejeeke; im bwe ejelok okran ej aimirok.

7 Im jet re buñōt ilo bwiljin kālīklik ko, im kālīklik ko rej edrek, im koutameki, im e jab jebar leen.

8 Im bar jet re buñōt ion brij emōn, im jebar leen, ej edrek im laplok, im jebar jilñoul kin juōn, im jiljinoñoul kin juōn, im jibuki kin juōn.

Jon 15. 5. Kol. 1. 6.

9 Im E ba ñōn ir, Eo eor lojiliñin bwe en roñjake en roñlokjen.

10 Im ke Ej mōke ian, ro rej ber iturin kab joñoul in ruo, rej kajitōk iben kin parebōl ko.

11 Im E ba ñōn ir, emwīj lewoj ñōn kom bwe komin jela men eo etino an alliñ in Anij; a ñōn ro elikin, kōmōnmōn men ko otemjej ilo parebōl ko.

1 Kor. 5. 12. Kol. 4. 5. 1 Tes. 4. 12. 1 Tim. 3. 7.

12 Bwe ñe rej loe, ren loe im jaje kake; im ñe rej roñ ren roñjake, im jab melele; ñe r'ab ukōt burueir, im naj joko jerawiwi ko air.

Isa. 6. 9. Mat. 13. 14. Luk 8. 10.

13 Im E ba ñōn ir, Kom jab jela parebōl in ke? e naj kijkan ami jela wan jōñok otemjej?

14 Dri jeor eo ej jeor nan.

Mat. 13. 18-23. Luk 8. 11-15.

15 Im rein ro rej ber iturin ial, ijo jeor nan ie; im ke r'ar roñjake, emōkōj an Setan itok im bōklok nan eo ar jeor na ilo burueir.

16 Im ein drein rein ro ar jeor ijo erkāke; ke r'ar roñjake nan, emōkōj air bōke, im ebuñburueir;

17 Im ejelok okrair ilo ir, a jirik wōt ien air niknik; inem ñe jorran ak matōrtōr ej walok kin nan, emōkōj air tibñil.

18 Im bar jet ro jeor ilo kālīklik ko; rein ro r'ar roñjake nan;

19 Im inebata ko au lōl in, im mon an mweiuk ko, im mōmkake men ko jet, rej dreloñ im koutameik nan, im e jab jebar leen.

1 Tim. 6. 9, 17.

20 Im ro ar jeor ion brij emōn; ro rej roñ nan, im bōk e, im jebar leir, juōn jilñoul, juōn jiljinoñoul, im juōn jibuki.

21 Im E ba ñōn ir, Rej bōktok lamp, bwe reu likit e iomin jābi, ak iomin bed, im jab likit e ion jikin lamp ke?

Mat. 5. 15. Luk 8. 16. & 11. 33.

22 Bwe ejelok men in nojōk, elañe jab bwe en alikar; ak ejelok men in kalibubu a bwe en waloklok.

Mat. 10. 26. Luk 12. 2.

23 Im elañe jabrewōt armij eor

lojitiñin bwe en roñjake, en roñlok-jen.

Mat. 11. 15.

24 Im E ba ñon ir, Komin lale ta eo komij roñjake. Joñok eo komij joñok kake, naj bar joñok ñon kom; im naj koorlok lewoj ñon kom.

Mat. 7. 2.

25 Bwe eo eor iben, naj lelok ñon e; im eo ejelok iben, naj bök men eo an jen e.

Mat. 13. 12.

26 Im E ba, Ein ailiñ in Anij drein, einwöt elañe armij ej kallip ine ilo brij;

Mat. 13. 24.

27 Im ej kiki im jerkak boñ im rau, im ine ej edrek im laplok, e jaje kijkan.

28 Bwe löl ej kalle möke lan, mokta bwilik, inem leen, tokelik leen ekalo.

29 A ñe leen ekalo emököj an bukwe kin sikel, bwe len marmir emwij an itok.

Rev. 14. 15.

30 Im E ba, E naj kijkan am kajeoñwe ailiñ in Anij? ak kim naj kalikar e kin pareböl öt?

Mat. 13. 31. Luk 13. 18.

31 Ej einwöt ine in mustad, eo, ñe jeor ilo brij meñe erik jen ine otemjej ion löl;

32 A ñe emwij jeor ej edrek, im laplok jen mār otemjej, im ej edrek ra im elap; inem bao in mejatoto rej babu ilo lurin.

33 Im kin elöñ pareböl im einwöt Ej ba nan eo ñon ir, einwöt air mārön in roñjaki.

Mat. 13. 34. Jon 16. 12.

34 A ñe ejelok pareböl E jab konono ñon ir; ñe rej mökelok ñair Ej kemeleleik men otemjej ñon ro dri kalan.

35 Im ilo ran eo, ke ejota, Ej ba ñon ir, Jen ilok ñon lomalo jab uweo.

Mat. 8. 18, 23. Luk 8. 22.

36 Im rej ilok jen jar eo, im ektök E wöt ke Ej ber i wa. Im bar jet wa iben.

37 Im e buñ ñöt, im no ko rej jur ion wa eo, inem elöñ.

38 Im Ej ber i lokön wa eo, im kiki ion biten; im rej kworuj E, im ba nou E, Dri Kaki, kwo jab lem-nok kin am joko ke?

39 Im Ej jerkak im kowe köto, im ba ñon lomalo, Kwon jab maköt-kit, kwon lur. Im köto e joko, im elap lur.

40 Im E ba ñon ir, Etke komij lelñon im einwöt? Kom jañin iö-mak ke?

41 Im elap air mijök im ba ñon dron, Wön armij in bwe köto im lojit rej bokake E?

JAPTER 5.

IM rej itok ñon lomalo jab uweo ñon eneo an dri Gerasa.

Mat. 8. 28. Luk 8. 26.

2 Im ke Ej to jen wa eo, emököj au juön armij ion E jen wuliej ko, im jitöb ötton miok na eubwinin;

3 Ej jokwe ilo wuliej ko, im ejelok armij e maroñ in liabe jab kin tomere;

4 Bwe elöñ alen air liabe kin feter ko im tomere ko, im tomere ko e ar mijköki, im feter ko e ar rupi: im ejelok armij e maroñ bwe en kawieik e.

5 Im len otemjej, boñ im ran, ion tol ko im ilo wuliej ko, ej lamij im möke bukwe kin dreka ko.

6 A ke ej lo Jisös etolok ej etör im kabuñ ñon E;

7 Im ej lamij kin elap ainiken, im ba, Ta iböm im iba, Kwe Jisös Nejin Anij eutiejtata? Ij kanöñnij ñon Yuk kin Anij, Kwon jab kaiñtan iö.

8 Bwe E ar ba ñon e, Kwon jutöklok jen armij ne, kwe jitöb ötton.

9 Im Ej kajitök iben, Etöm? Im e uak im ba, Eta Lijiön; bwe kim löñ.

10 Im elap an akwelap ñon E, bwe En jab jilkinlok ir jen eneo.

11 Im ljo ion tol eo, bwijin pig elap rej möña.

12 Im dimon ro otemjej rej akwe-

lap ñõn E, Kwon jilkiulok kim ñõn iloan pig ko, bwe kimin dreloñ ilo ir.

13 Im Ej kötlok ir. Im jitõb õ-ton ro rej jutõklok, im dreloñ iloan pig ko; im bwijin pig ko rej kanuij etõrlõllok ijo ej rimill ñõn lojit, orair enañin ruo tausán, im rej malõñ i lojit.

14 Im ro rej najirik pig ko re ko, im kennanek ro rej ber ilo j:kin kwelok eo, im ilujen eneo. Im rej ilok bwe ren lo men eo emwij kõ-mõnmõne.

15 Im rej itok ñõn iben Jisõs, im lo eo dimon e kar miok na enbwiniin, im Lijiõn e kar iben, im ej jijõt, im eor nuknuk ko an, im ejoko an uriekäk: im rej lelñõñ.

16 Im ro r'ar loe rej kennanek ir, kijkan leo dimon e kar miok na enbwiniin, im kin pig ko.

17 Im rej jino air akwelap ñõn E, bwe En ilok jen eneo eneir.

Mat. 8. 34. Jerb. 18. 30.

18 Im ke Ej uwe ion wa, eo dimon e kar miok na enbwiniin, ej akwelap ñõn E bwe en ber iben.

Luk 8. 38.

19 Im Jisõs ej bõprae e, im E ba ñõn e, Kwon ilok ñõn mweo imõm iben ro nukum, im kennanek ir men ko relap an Iroj kõmõni ñõn yuk, im kijkan An tiriamokake yuk.

20 Im ej ilok im kabuñbuñlok i Dekapolis men ko relap Jisõs e ar kõmõni ñõn e; im ir otemjej re bwilõñ.

21 Im ke emwij an Jisõs bar elä ñõn lomalo jab uweo kin wa eo, elõñ armij rej kweloklok ñõn iben: im Ej ebak ñõn lojit.

Mat. 9. 1. Luk 8. 40.

22 Im lo, juõn ian dri lale imõn kwelok ej itok ñõn iben, etan Jai-rõs; ke ej loe, ej buñ na iturin neen,

Mat. 9. 18-20. Luk 8. 41-50.

23 Im elap an jar im akwelap ñõn E, im ba, Nejiõ ledrik ej nañinmij wõt jirik: Kwon item likit peõm na ion, bwe en joko an nañinmij, im en mour.

24 Im Jisõs ej ilok ibenlok: im elõñ armij rej lor E, im kobaj E.

25 Im juõn kõra, bõtõktõkin etor-lok iomin joñoul im ruo yiõ,

Levai 15. 25.

26 Im elap an iñtan kin elõñ dru uno, im e ar aji mweien otemjej, im e jab mourlok, a ej drorlõlok,

27 Ke e ar roñ kin Jisõs, ej itok ilo bwiljin jar eo ilokõn, im uñir kobe eo An.

28 Bwe e ba, Elañe I naj uñir wõt jirik nuknuk ko An, I naj mour.

29 Im emõkõj an mõra unin bõtõktõkin; im ej iñjake ilo enbwiniin bwe ej mour jen nañinmij eo an.

30 Im Jisõs, emõkõj An jela ilo-an, bwe kajur e ar ilok jen E, Ej oktõk ilo bwiljin armij, im ba, Wõn e ar uñir nuknuk ko Aõ?

Luk 6. 19.

31 Im dri kaloran re ba ñõn E, Kwoj lo elõñ armij rej kobaj Yuk, im Kwoj ba ke, Wõn e ar uñir Iõ?

32 Im Ej reilok bwe En lo lio e ar kõmõn men in.

33 A kõra eo ej lelñõn im wuririr, bwe e jela ta eo emwij kõmõne ilo-an, ej itok im buñ iman mejen, im ba ñõn E aolepen mol.

34 Im E ba ñõn e, Nejiõ, am tõmak e ar kemour yuk; kwon ilok im ainemõn, im mour jen am nañinmij.

jav. 10. 52.

35 Im ke Ej konono, rej itok jen imõn dri lale imõn kwelok, im ba, Emij ledrik eo nejõm; etke kwoj kamõk wõt Dri Kaki ne?

Luk 8. 49.

36 A Jisõs ej kãbon nan eo rej ba, im E ba ñõn dri lale imõn kwelok, Kwon jab lelñõñ, kwon tõmak wõt.

37 Im E jab kötlok bwe armij ren lor E, a irjil wõt, Piter im Jemes im Jon, jätin Jemes.

38 Im Ej itok ñõn imõn dri lale imõn kwelok, im Ej lo air iruij, im ro rej jõñ im limõ elap.

39 Im ke Ej dreloñ, E ba ñõn ir, Etke komij iruij im jõñ? ledrik ne e jab mij, a ej kiki.

Jon 11. 11.

40 Im rej kajirerekake. A ke emuwij An kadrioielok ir otemjej, Ej aŋin jemen im jiuen ledrik eo, im ro rej ber iben, im dreloñ ñon ijo ledrik ej babu ie.

Jerb. 9. 40.

41 Im Ej kapjere ledrik eo kin pein, im ba ñon e, Talita kumi; ukotōn nan in, Ledrik, Ij ba ñon yuk, kwon jerkak.

42 Im emōkōj an ledrik jerkak, im etal; bwe e ridtōn joñoul im ruo yiō. Im rej bwilōñ kin elap bwilōñ.

43 Im elap An jiroñ ir bwe ejelok armij en jela men iu; im Ej ba bwe ren lelok ñon e bwe en mōña.

Mat. 8. 4. jap. 3. 12.

JAPTER 6.

IM Ej ilok jen ijo, im itok ñon eneo An: im dri kaloran rej lor E.

Mat. 13. 54-58. Luk 4. 16.

2 Im ke Subat ej itok, Ej jino an katakin iloan imōn kwelok; im elōñ ro rej roñjake re bwilōñ, im ba, jen ia men kein an armij in? im ta meletlet in ar lelok ñon E, im ekij-kan An kōmōnmōn men in bwilōñ kein kin pein?

Jon 6. 42.

3 Le in e jab karpenter, nejnin Meri, jein James im Joses im Judas im Salmōn ke? im ro jātīn kōra re jab ber iber ke? Im re tibñil kin E.

Mat. 12. 46. Gal. 1. 19.

4 A Jisōs e ba ñon ir, Rej nebar dri kanan, elafie e jab ber i eneo an, iben ro nukin, im iloan mweo imōn.

Jon 4. 44.

5 Im ijo E ban kōmōn jabrewōt jermal ekajur, a Ej likit pein ion reiet ro re nañinmij, im kemour ir.

Jen. 19. 22. jap. 9. 23.

6 Im Ej bwilōñ kin air jab tōmak. Im Ej itoitok ilo jikin kwelok ko redrik, im katakin.

Isa. 59. 16. Mat. 9. 35. Luk 13. 22.

7 Im Ej aŋiñintok joñoul im ruo, im jino An jilkinlok ir ruo ian im ruo ian, im Ej lelok ñon ir kajur ion jitōb otton ro;

Mat. 10. 1. jap. 3. 14. Luk 9. 1.

52

8 Im jiroñ ir bwe enjelok men en rej bōk ibeir kin air etal, a jokwōn wōt; enjelok bōjo, enjelok bred, enjelok mōnni ilo air kãñōr;

9 A ren kōnōk balliu neir, im jab kōnōk ruo kobe.

Jerb. 12. 8.

10 Im E ba ñon ir, Ijo jabrewōt komij dreloñ iloan im, komin ber ijo ñon tereo komij ilok jen e.

Mat. 10. 11, 14.

11 Im jabrewōt eo e jamin bōk kom, im jab roñjake kom, ñe komij ilok jen ijo, komin jojen bō-ñōlñōl iomin neimi bwe en men in kennan ñon ir.

Jerb. 13. 51. & 18. 6.

12 Im rej ilok, im kwalok bwe armij ren ukwelok ibeir.

13 Im rej kajutōklok elōñ dimon, im kabit kin oil elōñ ro re nañinmij, im kemour ir.

Jem. 5. 14.

14 Im kiñ Herod ej roñ kin e; bwe ebuñbuñlok etan: im e ba, Jon dri baptais e ar jerkakbiji jen ro remij, im kin men in kajur kein rej jermal ilo E.

Mat. 14. 1-12. Luk 9. 7-9.

15 Bar jet re ba, E Elaija. Im bar jet re ba, E juōn dri kanan, im einwōt juōn ian dri kanan ro.

Mat. 16. 14. jap. 8. 28.

16 A Herod, ke ej roñjake, e ba, E Jon eo I ar jōbbare: ej jerkakbiji jen ro remij.

Mat. 14. 2. Luk 3. 19.

17 Bwe Herod e mōke ar jiliklok im jibwe Jon, im liabe na iloan prisōn kin Herodias, belen Pilip jeln: bwe e ar belele iben.

18 Bwe Jon e ar ba ñon Herod, E jab melim bwe kwon bōk lio belen jeōm.

Levai 18. 16. & 20. 21.

19 Im Herodias e bāle, im kōnan mōn e; ak e bane:

20 Bwe Herod ej mijōk Jon, bwe e jela e armij ewānik im kwojarjar, im ej kejbārok e. Im ke ej roñjake ebiuk an lemnok; im e buñburuen ke ej roñjake.

Mat. 21. 26.

21 Im ke ej itok ran emōn, bwe ilo ran eo Herod e ar lotak ie, ej kōmōnmōn juōn kwojkwoj nōn an iroj jirik, im ro kapen laplap, im ro iroj in Galili;

Jen. 40. 20.

22 Im ke uejin Herodias, nejn kōra ej dreloñ, im eep, im kabuñburuen Herod im ro rej jiberak im mōña iben, kiñ eo e ba nōn jiroñ eo, Kwon kajitōk iba jabrewōt men eo kwo kōnake, im I naj lewoj nōn yuk.

23 Im ej kanōjnij nōn e, Jabrewōt eo kwoj kajitōk iba, I naj lewoj nōn yuk, e lañe jibwilkwōn ailñ eo aō.

Est. 5. 3. 6. & 7. 2.

24 Im lio ej ilok, im kajitōk iben jinen, Ta eo in kajitōk? Im e ba, Bōran Jon dri baptais.

25 Im kiōkiō ej mōkōjtok im dreloñ nōn iben kiñ eo, im kajitōk, im ba, I kōnan bwe kwon letok nōn iō kiōlok iloan jābe, bōran Jon dri baptais.

26 Im kiñ e kanuij buromōj kake; a kin an kanōjnij, im kin ro rej jiberak im mōña, e jab kōnan ba nōn lio, Jab.

27 Im emōkōj an kiñ jilkinlok juōn dr'iri, im jiroñ bwe en bōktok bōran: im ej ilok im jōbbare na iloan prisoñ,

28 Im bōktok bōran ilo jābe, im lelok nōn jiroñ eo; im jiroñ eo ej lelok nōn jinen.

29 Im ke dri kaloran rej roñjake, rej item bōk ubōn, im likit e iloan lūp.

30 Im dri kaloran rej kweloklok nōn iben Jisōs, im kennanek E men otemjej men ko r'ar kōmōni, im men ko r'ar katakin.

Luk 9. 10.

31 Im E ba nōn ir, Komin mōke wōt im itok nōn ene jemaren, im kakije jirik ien: bwe elōñ ro rej itok im ilok, im ejelok ien air mōña.

Mat. 14. 13. jap. 3. 20.

32 Im rej ilok nōn ene jemaren kin wa, im mōkelok iair.

33 Im armij rōn rej lo air ilok, im elōñ rej kili ir, im rej etōr nōn ijo jen jikin kwelok otemjej, im mōkōjlok jen ir.

34 Im Ej itok im lo jar elap, im Ej tiriamokake ir, bwe ir einwōt šip ko ñe ejelok air šeperd: im Ej jino An katakin ir men ko relōñ.

Mat. 9. 36. & 14. 14-21. Luk 9. 11-17.

35 Im ke e nañin jemlok ran, dri kaloran rej itok nōn iben, im ba, Ijin ene jemaren, im kiō e nañin boñ;

36 Kwon jilkinlok ir, bwe ren ilok nōn ene im jikin kwelok ko redrik iturin, bwe ren wiaik kijeir.

37 A Ej uak im ba nōn ir, Komin lelok nōn ir bwe ren mōña. Im re ba nōn E, Kimin ilok ke, im wiaik bred kin rubuki šilliñ, im lelok nōn ir bwe ren mōña?

Bwin. 11. 13, 22. 2 Kln 4. 43.

38 E ba nōn ir, Jete ion bred ibemi? komin ilem loe. Im ke re jela, re ba, Lailim, im ruo iik.

Jon 6. 9. Mat. 15. 34. jap. 8. 5.

39 Im Ej jiroñ ir, bwe ren kajijōt im kilajrōk ir ion ujoij emaroro.

40 Im rej jijōt ilo jar ko jibuki, im ilo jar ko limñoul.

41 Im Ej bōk lailim ion bred im ruo iik, im ejer nōn lōñ, im jar, im ruji ion bred ko, im lelok nōn ro dri kaloran bwe ren likit imair; im ruo iik Ej ajej nōn ir otemjej.

1 Samuel 9. 13. Mat. 26. 26.

42 Im ir otemjelok rej mōña im māt.

43 Im rej āti joñoul im ruo iep relōñ kin mātiir im iik ko.

44 Im ro rej mōña ion bred ko, limrep man.

45 Im emōkōj An jiroñ ro dri kaloran bwe ren uwe ion wa, im ilok mokta nōn lomalo jab uweo, nōn Betsaida, ke Ej jilkinlok jar eo.

Mat. 14. 22-36. Jon 6. 15-21.

46 Im ke emwij An jilkinlok ir, Ej ilok nōn juōn tol bwe En jar.

47 Im ke ejota wa eo ej ber ilukwōn lomalo, im E mōke ian ion ene.

48 Im Ej lo air iſtan im aſnōn, bwe kōto ej itok iman: im ke enaſin enen mmij ilo boſi, Ej itok ſnōn ibeir, im etal ion lojit; im E kōnan kijon ir.

Luk 24. 28.

49 A ke rej lo An etal ion lojit, rej lemnok E jitōb, im rej lamij:

50 Bwe ir otemjej rej lo E, im r'abwinmōke. Im emōkōj Au konono ibeir, im ba ſnōn ir, Komin ainemōn: ſa E; komin jab abwinmōke.

51 Im Ej uweſiſlok ſnōn ibeir ion wa; im kōto ejoko; im e kanuij lap air bwilōſi ilo ir;

52 Bwe re jab jela kin ion bred ko, bwe burueir re benawia.

Jap. 8. 17, 18. & 3. 5. & 18. 14.

53 Im ke emwij air elā, rej tōkāk ene Genesaret, im kemman wa.

54 Im ke rej to jen wa, emōkōj air kil E,

55 Im etōr ſnōn aolepen eneo, im jino air bōktok ro re naſinmij ion bed ko, ſnōn ijo rej roſi Ej ber ie.

56 Im ijo jabrewōt Ej dreloſi ie, ilo jikin kwelok ko redrik, ak relap, ak ilujen ene, rej likit ro re naſinmij ilo jikin wia ko, im akwelap ſnōn E, bwe ren uſiir tōreren wōt nuknuk ko An; im jabrewōt ro rej uſiir rej mour.

Mat. 9. 20. Jap. 5. 27, 28. Jerb. 19. 12.

JAPTER 7.

IM Pariſi ro, im jet ian skraib ro, r'ar itok jen Jeruſalem, rej kweloklok ſnōn iben.

Mat. 15. 1-28.

2 Im r'ar lo jet ian ro dri kaloran rej mōña bred kin peir re jab erreō, einwōt r'ar jab amini.

3 Bwe Pariſi ro, im dri Ju ro otemjej, elaſi r'ar jab kanuij amini peir, re jab mōña, kin air drebij an elder ro bwebwenato.

4 Im ke rej itok jen jikin wia, elaſi re jab tutu, re jab mōña. Im bar elōſi men ko ibeir, men ko rej bōki im drebij, einwōt kwole kōp ko, im pot ko, im jābi jinibor ko.

5 Im Pariſi ro im skraib ro rej ka-

jitōk iben, Etke dri kaloram re jab etal ilo an elder ro bwebwenato, a rej mōña bred kin peir re jab erreō? 6 E uak im ba ſnōn ir, Emol an Aisaia drikanij kin kom dri etao, einwōt ar je, Armij rein rej kabuſi ſnōn Iō, kin tieir, a burueir retolok jen Iō.

Iſa. 29. 13.

7 A ejelok tokjen air kabuſi ſnōn Iō, kin air katakin, kin air nan in katak, kien ko an armij.

8 Komij likit kien Anij, im drebij bwebwenato an armij rōu.

9 Im E ba ſnōn ir, Emol komij jolok kien Anij, bwe komin drebij ami bwebwenato.

10 Bwe Moſes e ba, Komin koutiej jemōm im jinōm; im, jabrewōt eo ej konono nana kin jemen ak jinen, en mij otem mij.

Eks. 20. 12. & 21. 17. Dut. 5. 16.

11 A kom. ba, Elaſi armij ej ba ſnōn jemen ak jinen, Men eo jabrewōt aō bwe in jibōſi yuk, ej korban, einwōt ba, men in jurtak;

Mat. 15. 5.

12 Komij kōtlok e bwe en jab kōmōn emōn ſnōn jirik ſnōn jemen ak jinen;

13 Im komij kōmōn nan in Anij jekron kin ami bwebwenato, men eo kom ar lelōk: im elōſi men rōt kein komij kōmōni.

14 Im ke emwij an aſiſintok armij otemjej ſnōn iben, E ba ſnōn ir, Komin otemjej karoſjak Iō, im jela kake.

Mat. 15. 10.

15 Ejelok men eo ilikin armij, men eo ej dreloſi iloan, ej maroſi in kananaik e; a men ko rej waloktok jen iloan, men kein rej kananaik e.

17 Im ke emwij An dreloſi iloan im jen jar eo, dri kaloran rej kajitōk iben kin parebōl eo.

Mat. 15. 15.

18 Im E ba ſnōn ir, Kom bareinwōt jaje kake ke? Kom jab lo ke, bwe men eo jabrewōt ilikin ej dreloſi iloan armij, e ban kananaik e?

19 Bwe e jab dreloſi iloan buruen, a iloan lojien im ej drioljlok ijo ji-

kin mijlok. Ej ba men in im likit ekön otemjej erreo.

20 Im E ba, men eo ej waloktok jen iloan armij, ej kananaik armij eo.

21 Bwe jen iloan, jen buruen armij ej itok lemuok ko renana, lüñ ko an ro eor beleir, lüñ ko au ro ejelok beleir, uror ko,
Jen. 6. 5. & 8. 21. Mat. 15. 19.

22 Kwot ko, arök mweiuk ko, jerawiwi ko, mone, kijoñ, mejnana, konono nana, jua, bwebwe;

23 Men kein otemjej renana rej itok jen iloan im kananaik armij.

24 Im Ej jutök jen ijo, im ilok ñön turin Tair im Saidon, im dreloñ iloan im, im E jab konan bwe armij ren jela: im E ban tilekek.

Mat. 15. 21.

25 A emököj an juön köra, ledrik eo nejin jitöb ötton miok na enbwin, roñ kin E im ej itok im buñ iturin neen.

26 Köra eo e dri Grik, dri Siropenisia; im ej akwelap ñön E bwe En kajutöklok dimon jen iloan ledrik eo nejin.

27 A Jisös e ba ñön e, Ajiri ro ren mät mokta; bwe e jab emön böck kijen ajiri bred, im jolok e ñön kiru rorrer ko redrik.

28 Im ej uak im ba ñön E, Aet, Iroj: a kiru ko redrik iomin tebel rej atekoko tibrikrikin ajiri rön.

29 Im E ba ñön e, Kin nan in kwon ilok: emwij an dimon jutöklok jen iloan ledrik eo nejöm.

30 Im ej ilok ñön mweo imön, im lo ledrik eo ej babu ion kinien, im emwij an dimon jutöklok.

31 Im ke Ej ilok jen ene ko iturin Tair Ej driblok Saidon im ene ko i töreran Dekapolis im bar itok ñön lomalo in Galili.

Mat. 15. 29-31.

32 Im rej añintok ñön E juön e jaroñroñ, im e allo; im rej akwelap ñön E bwe En likit pein ion.

Mat. 9. 32. Luk 11. 14.

33 Im Ej añinlok e jen jar eo

möke ian, im likit arrlin ilo lojlinñin, im Ej iyelok, im uñir loin;

Jap. 8. 23. Jon 9. 6.

34 Im Ej jerlok ñön löñ, im jabjenmenoan, im ba ñön e, Eppata, einwöt, En bellok.

Jap. 6. 41. Jon 11. 41. & 17. 1. Jon 11. 33, 38.

35 Im emököj lojlinñin rej roñlokjen, im to an loin emjö, im e alikar an konono.

Isa. 35. 5, 6. Mat. 11. 5.

36 Im Ej jiroñ ir bwe ren jabkenanek armij: a ñe Ej kalaplok An jiroñ ir, rej kalaplok air kabuñbuñlok e.

Jap. 5. 43.

37 Im e kanuij lap air bwilöñ, im rej ba, E ar kömön men otemjej im remön; Ej kömön bwe ro rej jaroñroñ ren roñlokjen, im ro re jaje konono ren konono.

JAPTER 8.

ILO ran ko ke e kanuij lap jar eo, im ejelok kijeir, Jisös ej añinñintok ro dri kaloran, im ba ñön ir,

Mat. 15. 32-38.

2 Ij tiriamokake jar eo, bwe r'ar ber iba iomin jilu ran, im ejelok kijeir.

3 Im elañe Ij jilkinlok ir ilo air jitlok ñön moko imweir, re naj bārok ilo ial; im jet ialr r'ar itok jen ijo etolok.

4 Im dri kaloran re uak E, Jen ia an armij maroñ in kamät ir kin bred iji i ene jemaren?

5 Im Ej kajitök ibeir, Jeti ion bred ibemi? Im re ba, Jiljilimjuön.

Jap. 6. 38-41.

6 Im Ej jiroñ jar eo bwe ren jijöt ion melaj. Im Ej böck jiljilimjuön ion bred ko, im jar, im ruji, im lelok ñön dri kaloran bwe ren likiti imair; im rej likiti iman armij rön.

7 Im eiet iik ko redrik ibeir; im Ej jar, im jiroñ bwe ren bareinwöt likiti imair.

Mat. 14. 19.

8 Im rej möña, im mät; im rej äti mötön ko matiir jiljilimjuön iep.

9 Im ro r'ar möña enañin erep; im Ej jilkinlok ir.

10 Im emōkōj An uwe ion wa iben ro dri kaloran, im tartok ñōn ijo ko mōtōn Dalmenuta.

Mat. 15. 39.

11 Im Parisi ro rej itok, im jino air kajitōk iben, im bukot jen E kakōle jen lōñ, bwe ren kabo E.

Mat. 12. 38. & 16. 1. Jon 6. 30.

12 Im E kanuij jabjenmenoan ilo An, im ba, Etke ebeben in rej kabukot kakōle? Emol Ij ba ñōn kom, jamin lelok kakōle ñōn ebeben in.

13 Im Ej likit ir, im bar uwe ion wa, im ilok ñōn lomalo jab uweo.

14 Im r'ar meloklok in ektōk, a juōn wōt ion bred ibeir ion wa.

Mat. 16. 5-12.

15 Im Ej kowe ir, im ba, Komin lale, im kejbārok kom jen leven an Parisi ro, im jen leven an Herōd.

Luk 12. 1.

16 Im rej konono ñōn dron im ba, Ejelok bred iber.

17 Im Jisōs e jela im ba ñōn ir, Etke komij konono bwe ejelok bred ibemi? Kom ar jaje ñōn kiō ke? a kom jab meleleke? buruemi re bin wōt ke?

jav. 6. 52.

18 Eor mejemi, kom jab lo ke? im eor lojiliñemi, kom jab roñ ke? im kom jab kememej ke?

19 Ke I ar ruji lailim ion bred ñōn limrep, jeti iep ko relōñ kin mōtōn ko matiir komij āti? Re ba ñōn E, Joñoul im ruo.

Mat. 14. 20. jav. 6. 43. Luk 9. 17. Jon 6. 13.

20 Im ke jiljilimjuōn ñōn erep, jeti iep ko relōñ kin mōtōn ko matiir komij āti? Im re ba, Jiljilimjuōn.

Mat. 15. 37. jav. 8. 8.

21 Im Ej ba ñōn ir, Kom jañiu melele ke?

jav. 6. 52.

22 Im rej itok ñōn Betsaida; im rej añintok ñōn E juōn armij ebilo, im rej akwelap ñōn E bwe En uñire.

23 Im Ej kapjere pein leo ebilo, im añinlok e jen jikin kwelok; im ke emwij An iyeloke mejen, im likit

pein ion, Ej kajitōk iben, Eor ta en kwoj loe?

jav. 7. 33.

24 Im ej bōk mejen im ba, Ij lo armij; bwe Ij lo ir einwōt wijki im rej etetal.

25 Tokelik Ej bar likit pein na ion mejen, im ej kalimjeke; im ej mour, im e alikar an lo men otemej.

26 Im Ej jilkinlok e ñōn mweco imōn im ba, Kwon jab dreloñ iloan jikin kwelok eo.

Mat. 8. 4. jav. 5. 43.

27 Im Jisōs ej ilok, kab ro dri kaloran, ñōn jikin kwelok ko redrik i Seteria Pilippai; im ilo ial Ej kajitōk iben ro dri kaloran, im ba ñōn ir, Wōn Ña, ilo an armij konono?

Mat. 16. 13-16. Luk 9. 18-20.

28 Im re uak, Jon dri baptais; a jet re ba Elaija; im barjet, Juōn ian dri kanan ro.

Mat. 14. 2.

29 Im Ej kajitōk ibeir, A wōn Ña, ilo ami konono? Im Piter e uak im ba ñōn E, Kwe Dri Kraist.

Jon 6. 69. & 11. 27.

30 Im Ej kowe ir, bwe ren jab kennanek jabrewōt armij kin E.

31 Im Ej jino An katakin ir, bwe Nejin armij e naj iñtan kin men ko relōñ; elder ro, im pris ro relap, im skraib ro re naj jolok E, im mōn E, im ilokōn jilu ran E naj jerkak-biji.

Mat. 16. 21-28. & 17. 22. Luk 9. 22-27.

32 Im nan eo Ej konono alikar. Im Piter ej añinlok E, im jino an kowe E.

33 Im ke emwij An oktōk im reilok ñōn ro dri kaloran, Ej kowe Piter, im ba, Kwon ilok ilik Iō, Kwe Setan; bwe kwo jab lemnok kin men ko an Anij, a kin men ko an armij.

34 Im Ej añiñintok jar eo ñōn iben kab ro dri kaloran, Ej ba ñōn ir, Jabrewōt eo e kōnan lor Iō, en mōke karmijete, im inek drebail eo an, im lor Iō.

Mat. 10. 38. Luk 14. 27.

35 Bwe jabrewōt eo e kōnan lomor

an mour, e naj joko an mour; a jabrewöt eo ej jolok an mour kin Ña im kin gospel, e naj lomoren.

Jon 12. 25.

36 Bwe ewi emöñ ñöñ armij, elañe ej jibarek aolepen löñ, im kowutlok an mour?

37 Ak ta eo emöñ an armij lelok bwe en körrä an?

38 Bwe jabrewöt eo e naj jokkake Iö im nan ko Aö, ilo ebeben in ej löñ im jerawiwi, Nejin armij e naj jokkake e, len eo Ej itok ilo aibujuij an Jemen iben enjel rokwojarjar.

Mat. 10. 33. Luk 12. 9.

JAPTER 9.

IM E ba ñöñ ir, Emol Ij ba ñöñ kom, jet ian ro rej jutök ijin re jamin erjoñ mij, ñöñ ter eo re naj lo an ailiñ in Anij itok ilo kajur.

Mat. 16. 28. Luk 9. 27. I Mat. 24. 30. & 25. 31. Luk 22. 18.

2 Im iloköñ jiljino ran, Jisöc ej añin Piter im Jemes im Jon, im añinliñlok ir ion juöñ tol eutie mōke iair; im kejakikil E iman mejeir.

Mat. 17. 1-8. Luk 9. 28-36.

3 Im ballin ejatötil, e kanuij mouj; im ejelok dri karreo nuk-nuk i löñ ej maroñ kemouj einwöt.

Dan. 7. 9. Mat. 28. 3.

4 Im e weaktok ñöñ ibeir Elaija im Moses, im rej konono iben Jisöc.

5 Im Piter e uak im ba ñöñ Jisöc, Rabbai, emöñ ar ber ijin; im jen kalek jilu imöñ kabere; juöñ ñöñ Yuk, juöñ ñöñ Moses, im juöñ ñöñ Elaija.

6 Bwe e jaje ta men eo en uak; bwe re kanuij lelñöñ.

7 Im köro ej kalur ir; im ainiken ej itok jen köro eo im ba, E in Nejiö e jitenburu; komin käroñjake.

8 Im emököj, ke emwij air reiböjik, rej lo ejelok armij, a Jisöc wöt ibeir.

9 Im ke rej tolöl jen tol eo, Ej kowe ir bwe ren kennanek ejelok armij men ko r'ar loi, ñöñ ter eo Nejin armij e naj jerkakbiji jen ro remij.

Mat. 17. 9-13.

10 Im rej drebij nan eo ibeir, im kajitök iben dron, ewi rabiltöñ nan in, jerkakbiji jen ro remij?

11 Im rej kajitök iben im ba, Etke skraib ro re ba, Elaija e naj itok mokta?

Mal. 4. 5.

12 Im E uak im kennanek ir, Emol Elaija ej itok mokta, im kajime men otemjej; im ekijkan ar jeje kin Nejin armij, bwe E naj iñtan kin men ko relöñ, im re naj kejekron E?

Sam 22. 6. Isa. 53. 2. Dan. 9. 26. Luk 21. 11. Pil. 2. 7.

13 A Ij ba ñöñ kom, Emwij an Elaija itok, im r'ar kömön ñöñ e jabrewöt men eo re könan, einwöt jeje kin e.

Mat. 11. 14. Luk 1. 17.

14 Im ke Ej itok ñöñ iben ro dri kaloran, Ej lo elap jar eo ej kabol ir, im skraib ro rej kajitök ibeir.

Mat. 17. 14-21. Luk 9. 37-42.

15 Im emököj an lap armij otemjej bwilöñ, ke rej lo E, im rej etör ñöñ iben im yokyokwe E.

16 Im Ej kajitök iben skraib ro, Ta eo komij kajitök ibeir?

17 Im juöñ ian jar eo e uak im ba, Dri Kaki, I ar añintok ñöñ iböñ nejlö man, eo jitöb e ban konono ej miok na enbwiniin.

18 Im ljo jabrewöt ej añinlok e, ej kokkure; im ej mörmör, im ölöñ ñiñ, im ej böjlok: im I ar ba ñöñ ro dri kaloram bwe ren kajutöklok e, a re bane.

19 Im Ej uak ir im ba, O ebeben e jab tömak, ietoön Aö naj ber ibemi? ietoön Aö naj kijennij kake kom? komin añintok e ñöñ Iö.

20 Im rej añintok e ñöñ iben: im ke Ej loe, emököj an jitöb kekel e, im ej buñ ion löñ, im rabilbil im mörmör.

jap. 1. 26. Luk 9. 42.

21 Im Ej kajitök iben jemen, Ietoön an men in ber iben? Im e ba, jen ke ej niñiñi.

22 Im elöñ alen e ar jolok e na ilo kijeek, im ilo dren bwe en möñ e; a elañe Kwoj maroñ jabrewöt,

1Kwon tirlamō kake kim, im jibōñ kim.

23 Jisōs e ba ñōn e, Elañe kwoj maroñ! Eo ej tōmak ej maroñwe men otemjej.

jap. 11. 23. Luk 17. 6. Jon 11. 40.

24 Im emōkōj an jemen ajiri eo lamij, im ba, Ij tōmak; Kwon jibōñ iō kin aō jab tōmak.

25 Ke Jisōs ej lo armij ro rej tōrtok, Ej kowe jītōb otton, im ba ñōn e, Kwe jītōb e jaje konono im jaroñroñ, Ij jiroñ yuk, kwon jutōklok jen e, im jamin bar dreloñ ilo e.

26 Im ke emwij an lamij, im kanuij kekel e, ej jutōklok jen e: im leo einwōt juōu emij; inem elōñ re ba, E mij.

27 A Jisōs ej kapjere pein, im kwotōk e; im ej jutōk.

28 Im ke Ej dreloñ iloan im, dri kaloran rej mōke wōt im kajitōk iben, Etke kim ar jab maroñ in kajutōklok e?

29 Im E ba ñōn ir, Ejelok en e maroñ in kajutōklok men rōt kein, a kin jar wōt.

30 Im rej ilok jen ijo, im driblok Galili; im E jab kōnan bwe jabrewōt armij en jela men in.

31 Bwe Ej katakin ro dri kaloran, im ba ñōn ir, Rej ketōk Nejin armij ñōn pein armij ro, im re naj mōn E; im elikin air mōn E, E naj jerkakbiji ilo ran eo ken ka jilu.

Mat. 17. 22. Luk 9. 44.

32 A re jab melele nan eo, im remjōk in kajitōk iben kake.

33 Im rej itok ñōn Kaperneum, im ke Ej ber iloan im, Ej kajitōk ibeir, Ta eo kom ar akwalle dron kake ilo ial?

Mat. 18. 1. Luk 9. 46. & 22. 24.

34 A rej ikōñ: bwe ilo ial r'ar akwalle dron, kin wōn iair elapata.

35 Im Ej jijōt, im añiñintok joñoul im ruo, im ba ñōn ir, Elañe jabrewōt armij e kōnan bwe en mokta, e naj eliktata im korijerair otemjej.

Mat. 20. 26. jap. 10. 43.

36 Im Ej kapjere juōn ajiri erik, im kajutōk e iolapir: im ke emwij An jiburlep e, E ba ñōn ir,

Mat. 18. 2. jap. 10. 16.

37 Jabrewōt eo e naj bōk juōn ian ajiri rein ilo eta, ej bōk Ña; im jabrewōt eo ej bōk Ña, e jab bōk Ña, a Eo e ar jilkintok Iō.

Mat. 10. 40. Luk 9. 48.

38 Im Jon e uak E im ba, Dri Kaki, kim ar lo juōn ej kajutōklok dimou ro ilo etōm: im kim ar bōprae e, bwe e ar jab lor kij.

Bwin. 11. 28. Luk 9. 49.

39 A Jisōs e ba, Komin jab bōprae e; bwe ejelok armij ej maroñ kōmōn men in bwilōñ ilo eta, im emōkōj an maroñ konono nana kin Iō.

1 Kor. 12. 3.

40 Bwe eo e jab kaju an bebe jen kij ej iberuij.

Mat. 12. 30.

41 Bwe jabrewōt eo e naj lewōj ñōn kom juōn kōp in dren im kairak kom, bwe kom dron Kraist, emol Ij ba ñōn kom, wōnan e jamin joko.

Mat. 10. 42.

42 Im jabrewōt eo e naj katibñil juōn ian rein redrik rej tōmak Ña, e naj kar emōnlok ñōu e bwe reu lukwoj dreka irir elap i kenwan, im jolok e ilo lojit.

Mat. 18. 6. Luk 17. 1.

43 Im elañe peōm ej katibñil yuk, kwon bukwe: emōn ñōn yuk bwe kwon dreloñ iloan mour im jibikbik, jen ruo peōm, im kwoj ilok ñōn jikin nana, iloan kijeek e jamin kwūn in drio.

Mat. 5. 30. & 18. 8.

45 Im elañe neōm ej katibñil yuk, kwon bukwe: emōn ñōn yuk bwe kwon dreloñ iloan mour im jibikbik, jen ruo neōm im jolok yuk ilo jikin nana.

47 Im elañe mejōm ej katibñil yuk, kwon itike: bwe emōn ñōu yuk bwe kwon dreloñ iloan ailiñ in Anij im juōn wōt mejōm, jen ruo mejōm, im jolok yuk na iloan jikin nana.

48 Ijo e jab mij air likākrok, im kijeek e jab kwūn.

49 Bwe naj kejātōk ro otemjej kin kijeek.

Levai 2. 13. Ezek. 43. 24.

50 Emōn salt; a elañe ejoko nemensalt, kom naj kejātōk e kin ta? En or salt ilo kom, im komin aine-mōn nōn dron.

Mat. 5. 13. Luk 14. 34. Ep. 4. 29. Kol. 4. 6. Rom 12. 18.

JAPTER 10.

IM E jutōk jen ijo, im itok nōn mojen Judia i tōreran, im i rear in Jordan; im armij rej bar kweloklok nōn iben, im Ej bar katakin ir, einwōt An kōmōn mokta.

Mat. 19. 1-9.

2 Im Parisi ro rej itok nōn E, im kajitōk iben, Emelim ke an armij jolok lio belan; bwe ren kabo E.

3 Im E uak im ba nōn ir, Ta eo Moses e ar jiroñ kom?

4 Im re ba, Moses e ar likit bwe kimin jeje nau in kōtlok, im jolok e.

Dut. 24. 1. Mat. 5. 31.

5 Im Jisōs e uak im ba nōn ir, Kin an bin buruemi e ar je nan in.

6 A jen jinoin kōmōnmōn lōl, Anij e ar kōmōn ir man im kōra.

Jen. 1. 27. & 5. 2.

7 Kin men in armij e naj ilok jen jemen im jinen, im e naj errep nōn lio belan;

Jen. 2. 24.

8 Im irro re naj juōn wōt kōniek: kin men in re jab bar ruo, a juōn wōt kōniek.

9 Inem men eo Anije ar kobaikē, armij ren jab kijbil e.

10 Im iloan im dri kaloran rej bar kajitōk iben kin men in.

11 Im E ba nōn ir, Jabrewōt eo ej jolok lio belan, im belek bar juōn, ej lūñ nae lio.

Mat. 5. 32. Luk 16. 18. 1 Kor. 7. 13.

12 Im elañe kōra ej jolok leo belan, im belek bar juōn, ej lūñ.

13 Im rej añintok nōn iben ajiri redrik, bwe En uñir ir; im dri kaloran rej kowe ro r'ar añintok ir.

Mat. 19. 13-15. Luk 18. 15-17.

14 A ke Jisōs ej loe, elap An illu, im E ba nōn ir, Komin likit ajiri rōn bwe ren itok nōn iba; komin jab boprae ir; bwe ro elrwōt, air ailiñ in Anij.

15 Emol Ij ba nōn kom, Jabrewōt eo e jab bōk ailiñ in Anij im einwōt ajiri erik, e jamin dreloñ iloan.

Mat. 18. 8.

16 Im Ej jiburlep ir, im likit pein loir, im jar kin ir.

17 Im ke Ej ilok nōn ial, juōn ej tōrtok, im bukwelelō nōn E, im kajitōk iben, Dri Kaki emōn, ta eo in kōmōn bwe en aō jolit mour in dri?

Mat. 19. 16-30. Luk 18. 18-30.

18 Im Jisōs e ba nōn e, Etke kwoj ba Ņa Imōn? Ejelok en emōn, a juōn wōt, Anij.

19 Kwo jela kien ko, Kwon jab uror, Kwon jab lūñ, Kwon jab kwot, Kwon jab riōp nae, Kwon jab mon, Kwon koutlej jemōm im jinōm.

Eks. 20.

20 Im e uak im ba nōn E, Dri Kaki, men kein otemjej I ar kejbārōki jen ien aō ajiri.

21 Im Jisōs ej lale e im yokwe e, im E ba nōn e, Juōn men eo kwoj aikwij; kwon ilok im wiakaki men ko otemjej am, im lelōk nōn ro dri jeramel, im e uaj or mwelelōm i lōñ; im itok, im lor Iō.

Mat. 6. 19, 20. Luk 12. 33.

22 A e kimūñ mejen kin nan eo, im ej ilok im buromōj; bwe elōñ mweien.

23 Im Jisōs ej reibōjik, im ba nōn ro dri kaloran, Ro dri mwele re nañin ban dreloñ iloan ailiñ in Anij!

24 Im dri kaloran re bwilōñ kin nan ko An. A Jisōs e bar uak im ba nōn ir, Ajiri rōn, ro rej liki mwelelōk re nañin ban dreloñ iloan ailiñ in Anij!

Job 31. 24. Sam 52. 7. & 62. 10. 1 Tim. 6. 17.

25 Ebiruru an kamel dreloñ ilo drelil in ii, jen dri mwele dreloñ iloan ailiñ in Anij!

26 Im re kanuij bwilōñ, im ba nōn

dron, Inem wõn e maroñ bwe en mour?

27 Jisõs ej reilok ñõn ir, im ba, Armij re bane, a e jab einwõt iben Anij; bwe Anij ej maroñ kin men otemjej.

Jer. 32. 17. Luk 1. 37.

28 Inem Piter ej jino an ba ñõn E, Lo, kim ar likit men otemjej, im lor Yuk.

Mat. 19. 27-30. Luk 18. 28-30.

29 Im Jisõs e uak im ba, Emol Ij ba ñõn kom, Ejelok armij eo e ar likit im, ak jein im jätin man im kõra rõn, ak jemen, ak jinen, ak ro nejin, ak ene ko enen, kin Ña im kin gospel,

30 A e naj bõk jibuki kin juõn ilo ien in, mo ko, im jein im jätin man im kõra rõn, im ro jinen, im ro nejin, im ene ko enen, kab matõrtõr ko; im ilo löl e naj itok, mour in drio.

31 A elõñ ro mokta re naj eliktata; im ro eliktata re naj mokta.

Mat. 20. 16. Luk 13. 30.

32 Im rej ilo ial ke rej wõnliñlok ñõn Jerusalem; im Jisõs ej ilok imairlok: im rej bwilõñ; im ro rej lore re mijõk. Im E bar añin joñoul im ruo, im jino an kennanek ir men ko re naj buñõt E, im ba,

Mat. 20. 17. Luk 18. 31.

33 Lo, jej wõnliñlok ñõn Jerusalem: im naj ketõk Nejin armij ñõn pris relap, im ñõn skraib ro; im re naj liakelok E ñõn mij, im re naj ketõk E ñõn ro dri ailiñ ko;

34 Im re naj kajirere kake, im naj iyelok E, im naj dreñlok E, im naj mõn E; im ilo ran eo ken ka jllu E naj jerkakbiji.

35 Im Jemes im Jon, ro nejin Zebidi, rej itok ñõn iben, im ba, Dri Kaki, kimro kõnan bwe Kwon kõmõn ñõn kim men eo jabrewõt kim naj kajitõk kake.

Mat. 20. 20-28.

36 Im E ba ñõn irro, Ta eo kom kõnau bwe In kõmõn ñõn kom?

37 Re ba ñõn E, Kwon letok ñõn kimro bwe kimin jijõt, juõn i au-

bijmaroñõm, im juõn i anmiñõm, ilo am albujuj.

38 A Jisõs e ba ñõn ir, Komij jaje ta eo kom kajitõk. Komij maroñ in irak kõp eo Ij irak ke? im baptais ilo baptais eo Ij baptais ke?

39 Im re ba ñõn E, Kimro maroñ. Im Jisõs e ba ñõn ir, Aet, kom naj irak kõp eo Ij irak; im kom naj baptais ilo baptais eo Ij baptais:

40 A kin jijõt i anbijmaroñiõ im i anmiñiõ, e jab Aõ bwe In lewoj: a an ro ar kapojõk e ñõn ir.

41 Im ke joñoul rej roñjake, re jino an lap air illu ñõn Jemes im Jon.

42 A Jisõs ej añiñintok ir ñõn E, im ba ñõn ir, Kom jela ro rej lemnok bwe rej iroiñ ñõn dri ailiñ ko, rej iroiñ ioir; im ro relap iair rej iroiñ ioir.

Luk 22. 25.

43 A e jab ein drein ibemi; a jabrewõt eo e kõnan bwe en elap ibemi, e naj dri jermal ñõn kom.

Jap. 9. 35. Luk 9. 48.

44 Im jabrewõt eo iami e kõnan bwe en elaptata, e naj dri korijerami otemjej.

45 Bwe bareinwõt Nejin armij e ar jab itok bwe ren korijer ñõn E, a bwe En dri korijer, im bwe En lelok An mour kin wõnñan elõñ armij.

Jon 13. 14. Pil. 2. 7.

46 Im rej itok ñõn Jeriko: im ke Ej ilok jen Jeriko iben ro dri kalaran im elõñ armij, nejin Timiõs, Bartimiõs, dri oor ebilo, ej jijõt iturin ial.

Mat. 20. 29-34. Luk 18. 35-43.

47 Im ke ej roñ bwe E Jisõs dri Nazeret, ej jino an lamij, im ba, Jisõs, Nejin Devid, kwon tiriamokake iõ.

48 Im elõñ rej kowe e bwe en ikõñ: a e kanuij kalaplok an lamij, O Nejin Devid, kwon tiriamokake iõ.

49 Im Jisõs ej bwijrõk, im ba, Komin kirtok e. Im rej kirtok eo ebilo, im ba ñõn e, Kwon ainemõn, im jutõk: Ej kir yuk.

50 Im ej jolok kobe eo an, im jutök, im itok ñön Jisös.

51 Im Jisös e uak im ba ñön e, Ta eo kwoj kōnan bwe In kōmōn ñön yuk? Eo ebilo e ba ñön E, Rabbonai, bwe in lolokjen.

52 Im Jisös e ba ñön e, Kwon ilok, am tōmak ej kemour yuk. Im emōkōj an lolokjen, im lor Jisös ilodial.

Mat. 9. 22. jap. 5. 34.

JAPTER 11.

IM ke rej kebak ñön Jerusalem, ñön Betpeje im Betaui, ilo tol Olivet, Ej jilkinlok ruo dri kaloran,

Mat. 21. 1-11. Luk 19. 29-38. Jon 12. 14.

2 Im ba ñön ir, Komin ilok ñön jikin kwelok erik ikijemi: im ñe kom dreloñ iloan, e naj mōkōj amiro lo juōn kon elukojōk, ejelok armij e ar jijōt ion; komin jelate, im añintok e.

3 Im elañe jabrewōt armij ej ba ñön komro, Etke komij kōmōn men in? komin ba, Bwe Iroi eo ej aikwij e: im e naj mōkōj an jilkin-tok e.

4 Im rejro ilok, im lo kon elukojōk ilikin turin kejem ilo ial, im rej jelate.

5 Im jet ian ro rej jutök ijo re ba ñön irro, Komij it jelate kon ne?

6 Im rejro ba ñön ir einwōt Jisös e ar jiroñ ir; im rej kōtlok irro.

7 Im rejro añintok kon eo ñön Jisös, im ere kin kobe ko air ion, im Ej jijōt ion.

8 Im elōñ rej ere ial kin kobe ko air: im barjet rej jekjek ran wijki ko, im ere ial eo kaki.

9 Im ro rej ilok imanlok, im ro rej lortok, rej lamij im ba, Hosanna; Emōuñō eo ej itok ilo etan Iroi:

Sam 118. 26.

10 Emōñōñ ailiñ eo ej itok, ailiñ an jemer Devid: Hosanna ñön ijo eutlejtata.

Sam 148. 1.

11 Im Ej dreloñ ilo Jerusalem, im iloan tempel: im ke E ar reibōjik ñön men otemjej, im kiō ejota, Ej

drioij im ilok ñön Betani iben joñoul im ruo.

Mat. 21. 12.

12 Im ran eo ilju, ke r'ar itok jen Betani E kwuli.

Mat. 21. 18, 19.

13 Im Ej lo wijki fig etolok eor bwilikōn, im ej itok, bwe En kabuk leen i ran: im ke Ej itok ñön e, E jab lolo, a bwilik wōt; bwe e jab len jebar fig ko.

14 Im Jisös e uak im ba ñön e, Enjelok armij ej mōña leōm jen kiō ñön in drio. Im dri kaloran rej roñjake.

15 Im rej itok ñön Jerusalem; im Jisös ej dreloñ iloan tempel, im jino An kadrioielok ro rej wia iloan tempel, im ukōji tebel ko an ro rej wia kin mōnni, im ken jijōt ko an ro rej wiakaki muli ko;

Mat. 21. 12-17. Luk 19. 45-47. Jon 2. 14.

16 Im E jab kōtlok bwe jabrewōt armij en bōklok jābi iloan tempel.

17 Im Ej katakin im ba ñön ir, Ar jab jeje ke, Dri ailiñ otemjej re naj likit mweo imō imōn jar? a kom ar likit e bwe en roñōn ro dri koaroñ.

Isa. 56. 7. Jer. 7. 11.

18 Im skraib ro im pris ro relap rej roñjake, im bukōt ekijkan air mōn E: bwe re mijōk E, bwe armij otemjej re bwilōñ kin An katakin.

Mat. 21. 45, 46. 1 Mat. 7. 28.

19 Im ke ejota jabrewōt, Ej ilok jen jikin kwelok eo.

20 Im ke ejiboñ, ke rej elā, rej lo wijki fig eo emōralok jen okran.

Mat. 21. 19-22.

21 Im Piter ej kememej im ba ñön E, Rabbai, lo wijki fig eo Kw'ar kole, emōralok.

22 Jisös e uak im ba ñön ir, Komin tōmak Anij.

23 Bwe emol Ij ba ñön kom, Jabrewōt eo e naj ba ñön tol in, Kwon teep, im joko na ilo lojit; im e jab berre ilo buruen, a ej tōmak bwe men eo ej ba e naj walok, e naj an.

Mat. 17. 20. Luk 17. 6.

24 Kin men eo Ij ba ñön kom, men ko jabrewōt komij kajitōk ilo

ami jar, komiu tōmak bwe komij bōki, im re naj ami.

Mat. 7. 7. Luk 11. 9. Jon 14. 13. Jem. 1. 5, 6.

25 Im ñe komij jutōk im jar, elañe jabrewōt armij eor ruōn ibemi, komin jeorlok e, bwe bareinwōt Jememi i lōñ En jeorlok jerawiwi ko ami.

Mat. 6. 14.

27 Im rej bar itok ñōn Jerusalem: im ke Ej etetal illoan tempel, pris ro relap, im skraib ro, im elder in armij ro, rej itok ñōn iben,

Mat. 21. 23-27. Luk 20. 1-8.

28 Im ba ñōn E, Kin nan ōt Kwoj kōmōn men kein? im wōn e ar lewoj ñōn Yuk nan in, bwe Kwon kōmōn men kein?

29 Im Jisōs e uak im ba ñōn ir, I naj kajitōk ibemi kin juōn nan, im komin uak Iō, im I naj keunanek kom nan eo Ij kōmōn men kein kake.

30 Baptais eo an Jon, e jen lōñ ke, ak jeu armij? komiu uak Iō.

31 Im rej konono ñōn dron im ba, Elañe je ba, Jen lōñ, E naj ba, Inem etke kom ar jab tōmak e.

32 A elañe jej ba, Jen armij, rem'jōk jar eo, bwe armij otemjej rej lemnok, Jon e dri kanan emol.

33 Im re uak im ba ñōn Jisōs, Kim jaje. Im Jisōs e ba ñōn ir, I jamin kennanek kom nan eo Ij kōmōn men kein kake.

JAPTER 12.

IM Ej jino An ba ñōn ir ilo parebōl ko. Juōn armij ej kallip i jikin grep, im ej kōmōnmōn worwor in kabole, im kōbij jikin ken joniōk wain, im kalek imōn ebar, im ej kōlaik e ñōn ro dri kallip, im ej ilok ñōn bar juōn ailñ.

Mat. 21. 33-46. Luk 20. 9-19.

2 Im ke ien leen ekalo, ej jilkinlok dri korijeran ñōn ro dri kallip, bwe en bōk leen grep jen ro dri kallip.

3 Im rej jibwe, im dreñlokwe, im jilkinlok e im ejelok leen iben.

4 Im e bar jilkinlok ñōn ibeir bar juōn dri korijeran; im rej kare, im

kōnijnij bōran, im jilkinlok e, im enana air kōmōn ñōn e.

5 Im ej jilkinlok bar juōn; im rej mōn e, im bar elōñ; rej dreñlokwe jet, im rej mōn jet.

6 A juōn nejiu iben e jitenburu, im ej jilkinlok e eliktata ñōn ibeir, im ba, Re naj kabuñ ñōu nejiō.

7 A dri kallip rej ba ñōn dron, Le in dri jolit; itok, jen mōn e, im jolit eo e naj ar.

8 Im rej jibwe, im mōn e, im jolok e jen jikin kallip grep eo.

9 Inem ta eo iroi in jikin kallip grep e naj kōmōn? E naj itok im mōn ro dri kallip, im lelok jikin kallip eo ñōn barjet.

10 Kom ar jab konono ke nan in ilo Jeje ko? Ejman eo ro dri kal r'ar jolok e, emwij kōmōn e in dre-mōn jabōn im.

Sam 118. 22.

11 Men in jen Iroi, im men in bwlōñ ilo mejer.

12 Im rej bukot bwe ren jibwe E, a re mijōk armij rōn; bwe re jela E ar ba parebōl in nae ir, im rej likit E im ilok.

jap. 11. 18.

13 Im rej jilkinlok ñōn E jet ian Parisi ro im iau ro dron Herod, bwe ren jibwe E kin An in nan.

Mat. 22. 15-22. Luk 20. 20-47.

14 Im ke rej itok re ba ñōn E, Dri Kaki, kim jela Kwo mol, im ejelok armij Kwoj ujōke; bwe Kwo jab kaklen elikin armij, a Kwoj katakin ial in Anij im emol: Emelim ke owōjlok ñōn Sizar ak jab?

15 Kimin lelok ke, ak kimin jab lelok? A E jela air etao, im ba ñōn ir, Etke komij kabo Iō? bōktok ñōn Iō juōn dineriōs bwe In lo e.

16 Im rej bōktok. Im Ej ba ñōn ir, Men in e im jeje in an wōn? Im re ba ñōn E, An Sizar.

17 Im Jisōs e uak im ba ñōn ir, Komin lelok ñōn Sizar men ko an Sizar, im ñōn Anij men ko an Anij. Im re kanuij bwlōñ kin E.

18 Inem Saddusi ro rej itok ñōn

E, ro re ba ejelok jerkakbiji, im rej kajitök iben, im ba,

Mat. 22. 23-33. Luk 20. 27-38. Jerb. 23. 8.

19 Dri Kaki, Moses e ar je ñön kim, Elañe jein armij e mij, im lio belen ej ber, im ejelok nejin; jätin en bök lio beln im eu or ajiri ñön jein.

Dut. 25. 5.

20 E kar jiljilimjuön jimjän jim-jätin: im eo manji ej bök lio belen, im e mij im ejelok nejin.

21 Im jätin ken ka ruo ej bök lio, im e mij, im ejelok nejin; im bare-inwöt eo ken ka jilu.

22 Im iriöñ jiljilimjuön r'ar belek e, im ejelok nejir; im elikiir otem-jej kōra eo e mij.

23 Ilo jerkakbiji, ñe re naj jerkakbiji, belen wōn lio iair? bwe iriöñ jiljilimjuön r'ar belek e.

24 Jisōs e ba ñön ir, Kom jab bwir e kin men in, bwe kom jaje Jeje ko, im an Anij maroñ ke?

25 Bwe ñe re naj jerkakbiji jen ro remij, re jab belele, im jab lelok bwe ren belele; a rej einwöt enjel ro i löñ.

26 A kin ro remij, bwe rej jerkakbiji, kom ar jab konono ilo buk in Moses ke, ekijkan ilo jul Anij e ar konono ñön e, im ba, Ña Anij an Ebrean, im Anij an Aisak, im Anij an Jekōb?

Eks. 3. 6.

27 E jab Anij an ro remij, a an ro remour: elap ani bwir.

28 Im juön ian skraib ro ej itok, im ke emwijan roñjake air kajitök iben dron, im jela emōn An uak ir, ej kajitök iben, Ewi kien eo elap iair otemjej?

Mat. 23. 35-46.

29 Jisōs e uak e, Kien elaptata, Komin roñjake, O Israel, Iroi ar Anij, Iroi ej juön wöt:

Dut. 6. 4. Luk 10. 27.

30 Im kwon yokwe Iroi am Anij kin aolepen buruōm, im kin aolepen am, im kin aolepen am lolätät, im kin aolepen am kajur.

31 Im e in ken ka ruo Kwon

yokwe dri turōm im einwöt kwe. Ejelok bar juön kien elap jen kein.

Levai 19. 18. Mat. 22. 39.

32 Im skraib eo e ba ñön E, Emōn, Dri Kaki, emol Am ba; bwe E juön wöt; im ejelok bar juön, E mōke wöt,

Dut. 4. 39.

33 Im elañe armij ej yokwe E kin aolepen buruen, im kin aolepen lolätät, im kin aolepen an, im aolepen an kajur, im elañe ej yokwe dri turin im einwöt e, men in elap jeu men ko reyu otemjej ej katok kaki im till, im men in jurtak ko.

1 Samuel 15. 22.

34 Im ke Jisōs ej lo bwe ejime an uak, E ba ñön e, Kwo jab toane ailiñ in Anij. Im tokelik ejelok armij e beran in kajitök iben kin jabrewöt.

35 Im Jisōs e uak im ba, ke Ej katakin iloan tempel, Ekijkan an skraib ro ba Dri Kraist e nejin Devid?

Mat. 22. 41-45. Luk 20. 41-44.

36 Bwe Devid e mōke ba ilo Jitōb Kwojarjar, Iroi e ba ñön aō Iroi, Kwon jijöt i anbijmaroñlō, ñön tereo Ij likit Am dri kijirät bwe ren eran neōm.

Sam 110. 1.

37 Devid ej naetan Iroi; im ekijkan e nejin? Im armij wan ebuñburueir ke rej roñjake.

38 Im Ej ba ñön ir ilo An katakin, Komin kejbārok kom jen skraib ro, re kōnan kaitok nuknuk ko air ke rej etetal, im kōnan bwe armij ren yokyokwe ir ilo jikin wia ko,

jap. 4. 2. Mat. 23. 1-7. Luk 20. 46. & 11. 43.

39 Im ken jijöt ko remōn ilo imōn kwelok ko, im ijo ko remōn ilo kwojkwoj ko:

40 Rej kōñi imōn kōra ro ejoko beleir, im kimje armij kin an atok air jar; rein re naj bök liakelok elap.

Mat. 23. 14.

41 Im Jisōs ej jijöt ikijen nien mōnni, im lala kijkan an armij ati

mōnni na iloan nien monni; im elōñ dri mweie rej āti elōñ.

Luk 21. 1-4. 2 Kin 12. 9.

42 Im juōn kōra, ejeramel im ejo-ko belen, ej itok im āti ruo mōnni reniñ, rej einwōt juōn farthiñ.

43 Im Ej añiñintok ro dri kaloran ñōn iben, im ba ñōn ir, Emōl Ij ba ñōn kom, Kōra in ejeramel im ejo-ko belen e ar āti elap jeu ir otemjej r'ar āti na iloan nien mōnni:

2 Kor. 8. 12.

44 Bwe ir otemjej r'ar āti wōt jet jen elōñ mweieir; a lio kin an jeramel e ar āti men ko an otemjej, aet aolepen men in mour an.

Dut. 24. 6. 1 Jon 3. 17.

JAPTER 13.

IM ke Ej drioielok jen tempel, juōn lan ro dri kaloran ej ba ñōn E, Dri Kaki, Kwon lale mōk ie wāwen ejman kein im mokein!

Mat. 24. 1-14. Luk 21. 5-19.

2 Im Jisōs e uak im ba ñōn e, Kwoj lo mokein relap ke? ejelok juōn dreka e naj ber ion dron im jab ebjōk.

Luk 19. 44.

3 Im ke Ej jijōt ion tol Olivet iken tempel, Piter im Jemes, im Jon im Andru rej mōke wōt im kajitōk iben,

4 Kwon kennanek kim, men kein re naj itok ñat? im ta kakōle ñe men kein otemjej re nañin jejit?

5 Im Jisōs ej jino An ba ñōn ir, Komin lale bwe ejelok armij en mone kom.

Jer. 29. 8. Ep. 5. 6.

6 Bwe elōñ re naj itok ilo eta, im ba, Ña Kraist, im re naj kejebwābweik elōñ.

7 Im ñe komij roñjake tōrinae im nan in tōrinae ko, komin jab lel-ñōñ; bwe emol men kein re naj itok, a jemlokōn e jañin itok.

8 Bwe dri ailiñ re naj jutōk mae dri ailiñ, im ailiñ an kiñ mae ailiñ an kiñ, im ilo jet ene e naj makōt-kit lōl, im e naj or ñitta; men kein jinoin iñtan.

9 A komin kejbārok kom; bwe re

naj ketōk kom ñōn jar an dri bebe ko; im re naj dreñlokwe kom iloan imōn kwelok ko; im kom naj jutōk iman mejen iroiñ redrik im ro relap kin Ña, kin men in kennan ñōn ir.

Mat. 10. 17-19.

10 Im naj kwalok gospel ñōn dri ailiñ ko otemjej mokta.

11 Im ñe rej añinlok im ketōk kom, komin jab inebata mokta ta eo kom naj ba: a jabrewōt men eo naj lewoj ñōn kom ilo auō eo, men in komin konono kake: bwe e jab komeo komij konono, a Jitōb Kwojarjar.

Luk 12. 11. Jerb. 2. 4. & 4. 8, 31.

12 Im jein im jātīn e naj ketōk jein im jātīn bwe eu mij, im jemen nejīn; im ajiri ro re naj jutōk nae jemeir im jineir, im kōnan bwe ren mij.

13 Im armij otemjej re naj matōr-tōre kom kin eta; a eo e naj nikuik ñōn jemlokōn, e in e naj mour.

Dan. 12. 12. Mat. 10. 22.

14 A ñe kom naj lo men eo men in jōjōik im elap an kokkure, im e jutōk ijo emo an ber ie, (eo ej konono ilo buk en jela kake) inem ro rej ber i Judia ren ko ñōn tol ko.

Mat. 24. 15-28. Dan. 9. 27. Luk 21. 21-24.

15 Im eo ej ber ion im en jab tolōl iloan im, en jab dreloñ bwe en bōk men eo jabrewōt jen mweo imōn.

16 Im eo ej ber ilo jikin kallip en jab jeblak bwe en bōk kobe eo an.

17 A wo ñōn ro rej bōroro, im ro rej kaninnin ilo ran ko!

Luk 23. 29.

18 Im komin jar bwe en jab ilo ien ebio.

19 Bwe ilo ran ko e naj or iñtan, eo e ar jab einwōt jen jinoin kō-mōnmōn lōl eo Anij e ar kōmōne ñōn ien in, im e jamin bar einwōt.

Dan. 12. 1. Joel 2. 2.

20 Im elañe Iroiñ e ar jab kaletlok ran ko, ejelok kōniek e naj kar mour: a kin An dri kălet, ro E ar kălet ir, E ar kaletlok ran ko.

21 Im ien eo elañe jabrewōt armij

e naj ba ñön kom, Lo dri Kraist iji, ak ijeuo; komin jab tömak e.

Luk 17. 23.

22 Bwe e naj jutök ro dri Kraist wan, im ro dri kanan wan, im re naj kwalok kaköle ko im men in bwilöñ ko, bwe, elañe re maroñ, ren kehebawbweik ro ar kälet ir.

23 A komin kejbärok kom; lo, I ar kennanek kom mokta men otemjej.

24 A ilo ran ko, ilokön iñtan eo, al e naj marok, im aliñ e jamin romak,

Mat. 24. 23-36. Luk 21. 25-38.

25 Im iju i löñ re naj wutlok, im men ko rekajur i löñ re naj maköt-kit.

26 Im ien eo re naj lo Nejin armij ej itok ilo köro ko, kin elap kajur im wuj.

Dan. 7. 13, 14. Mat. 16. 27. Jap. 14. 62.

27 Im ien eo E naj jilkinlok enjel ro An, im E naj kokweloktok ro ar kälet ir jen emen köto, jen mōtōn löl etoloktata ñön mōtōn löñ etoloktata.

28 Komin katak pareböl jen wijki fig: ñe ej ub ran, im ej eoñ bwilik, kom jela ebak ien mǎpǎn.

Luk 21. 29.

29 Bareinwöt kom, ñe komij lo men kein rej waloktok, komin jela Ej ebak, aet iturini kejem ko.

30 Emol Ij ba ñön kom, ebeben in e jamin joko mokta jen men kein otemjej naj itok.

31 Löñ im löl re naj joko: a nan ko Aö re jamin joko.

Isa. 40. 8.

32 A ran eo im auö eo ejelok en e jela kake, jab enjel ro rej ber i löñ, jab Nejin, a Jema wöt.

33 Komin kejbärok kom, komin ekil im jar: bwe kom jaje ñat ien eo.

Mat. 26. 13. Luk 12. 40.

34 Ej einwöt ke juön armij ej ilok ñön ene etelok, ej likit mweo imön, im ej lelok nan in kalimur ñön ro dri korijeran, im ñön armij otemjej air jermal, im bareinwöt jiroñ dri bar kejem bwe en ekil.

Mat. 24. 45. & 25. 14.

[Marshall Islands.] 3T

35 Inem komin ekil; bwe kom jaje ñat iroj in mweo ej itok, ke ejota, ak ilukwön boñ, ak ñe kako ej ekir, ak ñe ejiboñ;

Mat. 24. 42, 44.

36 Ñe ab naj mököj an itok im lo ami kiki.

37 Im nan eo Ij ba ñön kom, Ij ba ñön otemjelok, Komin ekil.

JAPTER 14.

ILOKÖN ruo ran kwojkwoj in kijone, im bred e jab uwe; im pris ro relap im skralb ro rej bebe, e naj kijkan air jibwe E ilo mon im mön E:

Mat. 26. 2-5. Luk 22. 1. Jon 11. 55. & 13. 1.

2 Bwe rej ba, En jab iomin kwojkwoj, ñe ab iruij armij.

3 Im ke Ej ber i Bétani iloan imön Saimön, dri leper, ke Ej jiberak im möña, juön köra ej itok alebaster nien dren in kabit nard iben, elap wönan; im ej rupe nien, im lutök ion böran.

Mat. 26. 6. Jon 12. 1-8. Luk 7. 37.

4 Im jet rej illu, im ba, Etke ej jeroane dren in kabit in?

5 Bwe r'ar maroñ in wiakake men eo im bök wönan elap jen jibuki šilliiñ, im lelok ñön ro rejermal. Im rej lotan e.

6 Im Jisös ej ba, Komin likit e: etke komij añte e? e ar jermal ñön Iö jermal emön.

7 Bwe dri jermal rej ber ibemi ien otemjej, im ien eo kom könan kom maroñ jiböñ ir; a Ña I jab ber ibemi ien otemjej.

8 Lio e ar kömöñ einwöt an maroñwe: e ar kabit enbwiniö mokta ñön kalibwin Iö.

9 Emol Ij ba ñön kom, Ijo jabrewöt re naj kwalok gospel in i aolepen löl, men in lio e ar kömöne re naj konono kake bwe ren keme-mej e.

10 Im Judas Iskariöt, juön ian joñoul im ruo, ej ilok ñön iben pris ro relap, bwe en ketök E ñön ir.

Mat. 26. 14-16. Luk 22. 3-6.

11 Im ke rej roñjake ebuñburueir, im rej muri bwe ren lelok ñön e

mōnni. Im ej bukot ien emōn bwe en ketōk E nōn ir.

12 Im ran mokta ian ran ko ran in bred e jab uwe, ke rej katok kin men in kijone, dri kaloran rej ba nōn E, Ewi ijo Kwo kōnan kimin ilen kapojōk, bwe Kwon mōña men in kijone?

Mat. 26. 17-19. Luk 22. 7-13.

13 Im Ej jilkinlok ruo ian ro dri kaloran, im ba nōn irro, Komin ilok nōn loan jikin kwelok eo, im juōn armij e naj ion komro ej bōk-tok ken itōk: komin lor e.

14 Im ijo jabrewōt ej dreloñ ie, komin ba nōn iroi in mwēo, Dri Kaki ej ba, Ewi mōjabeo ijo I naj mōña men in kijone iben ro dri kalora?

15 Im e naj bakajen nōn komro bo jabeo elap emwij kōkōmōnmōn in kapoje: ijo komin kapoj mae kij ie.

16 Im dri kaloran rejro ilok, im dreloñ nōn loan jikin kwelok eo, im lo einwōt E ar ba nōn ir: im rej kapojōk men in kijone.

17 Im ke ejota Ej itok im joñoul im ruo iben.

Mat. 26. 20-24.

18 Im ke rej jiberak im mōña, Jisōs e ba, Juōn iami e naj ketōk Iō, aet eo ej mōña iba.

19 Im rej jino in buromōj, im kaju air ba nōn E, Ña ke?

20 Im E ba nōu ir, E juōn ian joñoul im ruo, eo ej katulok iba iloan jābe.

21 Nejin armij ej ilok, im einwōt jeje kin E; a wo nōn armij eo ej ketōk Nejin armij! e naj kar emōn elañe armij eo e ar jab lotak.

Luk 22. 22.

22 Im ke rej mōña, Jisōs ej bōk bred, im jar im ruje, im lelok nōn ir im ba, Komin bōk e; men in enbwiniō.

Mat. 26. 26-29. Luk 22. 19, 20. 1 Kor. 11. 23-25.

23 Im Ej bōk kōp, im ke emwij An jar, Ej lelok nōn ir; im ir otemjej rej ilimi.

24 Im E ba nōn ir, Men in draō in kalimur, eo katorlok e nōn elōñ.

25 Emol Ij ba nōn kom, I jamin bar ilimi leen vain nōn ran eo Ij ilimi im ekāl ilo ailiñ in Anij.

26 Im ke emwij air al, rej drioiļ im ilok nōn tol Olivet.

Mat. 26. 30-35.

27 Im Jisōs ej ba nōn ir, Kom otemjej naj tibñil: bwe ar jeje, I naj mōn šeperd, im šip ko re naj jibliklok.

Zek. 13. 7.

28 A elikiu Aō jerkakbiļi, I naj mōkōjlok jen kom nōn Galili.

jar. 16. 7.

29 A Piter e ba nōn E, Elañe ir otemjej re naj tibñil, a ña jab.

Luk 22. 33, 34. Jon 13. 37, 38.

30 Im Jisōs e ba nōn e, Emol Ij ba nōn yuk, ranin, aet ilo boñin in, mokta jen an kako ekir alen ruo, kwo naj karmijet Iō alen jilu.

31 A ej kalaplok an ba, Elañe Ij mije Yuk, I jamin karmijete Yuk nōu jirik. Ein drein bareinwōt ir otemjej re ba.

32 Im rej itok nōu ijo jikin etan Getsemāne: im e ba nōn ro dri kaloran, Komin jijōt ijin ilo ien Aō jar.

Mat. 26. 36-46. Luk 22. 39-46. Jon 18. 1.

33 Im Ej añiu Piter im Jemes im Jon iben, im jino An kanuij bwi-lōñ, im elap An erro buren;

34 Im E ba nōn irjil, Aō e kanuij buromōj einwōt nōn mij: komin ber ijin, im ekil.

Jon 12. 27.

35 Im Ej ilok jirik, im buñ ion lōl, im jar, bwe elañe e maroñ, auō in en ilok jen E.

36 Im E ba, Abba, Jema, Kwo maroñwe men otemjej; Kwon bōk-lōk kōp in jen Iō: a en jab ankil Aō, a ankil Am.

Rom 8. 15. Gal. 4. 6. Jon 5. 30. & 6. 38.

37 Im Ej itok im lo air kiki, im Ej ba nōn Piter, Salmōn, kwoj kiki ke? kwo jab maroñ in ekil iomin juōn auō ke?

38 Komin ekil im jar, bwe komin

jab dreloñ iloa kabo. An ekōnan, a kōniek emōjino.

39 Im Ej bar ilok, im jar, im bar ba nan ko.

40 Im ke Ej jeblak, Ej lo air bar kiki, bwe erro mejelr, im re jaje ta eo ren uak E.

41 Im Ej itok alen ken ka jilu, im ba ñōn ir, Komin kiki wōt kiō, im kakijeik kom: emwij; auō e motok; lo, ketōke Nejin armij ñōn loa pein ro dri jerawiwi.

Jon 18. 1.

42 Komin jerkak, jen etal; lo eo ej ketōk Iō ebak.

43 Im emōkōj, ke Ej konono, Judas, juōn lan joñoul im ruo, ej itok, im elōñ armij iben, eor jāji im drun ibeir, jen iben pris ro relap, im skraib ro, im elder ro an armij rōn.

Mat. 26. 47-56. Luk 22. 47-53. Jon 18. 3-11.

44 Im eo ej ketōk E, e kar lelok ñōn ir kakōlen, im ba, Eo I naj mejenmaike, E eo: komin jibwe E im añinlok im drebij E.

45 Im ke ej itok, emōkōj an ilok ñōn iben im ba, Rabbai, im ej mejenmaik E.

46 Im rej kōtellok peir im jibwe.

47 Im juōn ian ro rej jutōk ijo, ej nuri jāji eo an, im jebōk dri korijeran pris eo elap, im bukwe lojlin-ñin.

48 Im Jisōs e uak im ba ñōn ir, Komij itok einwōt nae dri koaroñ ke, kin jāji ko im drun ko bwe komin jibwe Iō?

49 Ran otemjej I ar ber ibemi iloa tempel, im katakin, im kom ar jab jibwe Iō: a eñin bwe en kamol nan in Jeje ko.

Luk 24. 44.

50 Im ir otemjej rej ilok jen E, im ko.

51 Im juōn likao ej lor E, nuknuk linen ej kabol enbwinin ekelwan: im rej jibwe;

52 A ej likit nuknuk linen eo, im kelwan e ko jen ir.

53 Im rej añinlok Jisōs ñōn iben pris laplap; im pris otemjej relap,

im elder ro, im skraib ro r'ar kwe-loklok ñōn iben.

Mat. 26. 57-68. Luk 22. 54. Jon 18. 13.

54 Im Piter e kar lor E, im etoane, ñōn loa mweo imōn pris laplap; im ej jijōt iben ro dri kabwjrōk, im ej rōñrōñ ilo kijeek.

55 Im pris ro relap im dri bebe otemjej rej kabuk kennan nae Jisōs, bwe ren mōn E, im ejelok air loe.

56 Bwe elōñ rej riōp nae E, a e jab einwōt juōn air in nan.

57 Im jet re jutōk, im riōp nae E, im ba,

58 Kim ar roñ An ba, I naj rupe tempel in kōmōne kin pā ko, im iomīn jilu ran I naj kalek bar juōn, im jab kōmōne kin pā ko.

Jap. 15. 20. Jon 2. 19.

59 A e jab einwōt juōn air in nan.

60 Im pris laplap ej jutōk lolap, im kajitōk iben Jisōs im ba, Kwo jab uak ñōn jirik ke? Ta eo rein rej kennan nae Yuk?

61 A Ej kejeklokjen, im jab uak. Pris laplap eo ej bar kajitōk iben, im ba ñōn E, Kwe dri Kraist ke, Nejin Eo Emōñōñ?

Isa. 53. 7.

62 Im Jisōs e ba, Ña E: im kwo naj lo Nejin armij Ej jijōt i anbij-marōñōñ kajur, im itok ilo kōro ko i lōñ.

Mat. 24. 30. Luk 22. 69.

63 Inem pris laplap eo ej kekel nuknuk ko an, im ba, Etke jej alk-wij bar jet dri kennan?

64 Kom ar roñjake blaspim eo. Ta ami lemnok? Im ir otemjej rej liakelok E, bwe eor ruōn bwe En mij.

65 Im jet rej jino air iyelok E, im binej mejen, im jekanunok E, im ba ñōn E, Kwon drikanij: im dri kabwjrōk rej ubrare kin loberen peir.

66 Im ke Piter ej ber ilōl iloa im, juōn jiroñ, dri korijeran pris laplap ej itok:

Mat. 26. 58, 69-75. Luk 22. 55-62. Jon 18. 16-18.

67 Im ke ej lo Piter e rōñrōñ, ej

kalimjeke, im ba, Im kw'ar ber iben Jisös dri Nazeret.

68 A ej karnijete im ba, I jaje im jab melele men eo kwoj ba. Im ej drioijlok ñön tōñiak; im kako ekir.

69 Im jiroñ ej lo e, im jino an bar ba ñön ro rej jutök ijo, E in juñn iair.

Jon 18. 25-27.

70 Im ej bar karmijete. Im toke-lik jirik, ro rej jutök ijo rej bar ba ñön Piter, Emol kwe juñn iair; bwe kwe dri Galili.

Jerb. 2. 7.

71 A e jino an kamol im kanōjniy, im ba, I jaje armij in komij konono kake.

72 Im emōkōj alen ken ka ruo an kako ekir. Im Piter ej kememej nan eo Jisös e ar ba ñön e, Moka jen kako ekir alen ruo, kwo naj karmijete Iō alen jilu. Im ke ej lemnok kake, ej jōñ.

JAPTER 15.

IM emōkōj ke ejiboñ pris ro relap rej bebe iben elder ro, im skraib ro, im dri bebe otemjej, im rej liabe Jisös, im añinlok im ketök E ñön Pailat.

Sam 2. 2. Mat. 27. 1. Luk 22. 66. Jon 18. 28.

2 Im Pailat ej kajitök iben, Kwe kiñ an dri Ju ro ke? Im E uak im ba ñön e, Kwoj ba.

Mat. 27. 11, 14.

3 Im pris ro relap rej kinaklok E kin men ko relōñ.

4 Im Pailat ej bar kajitök iben im ba, Ejelok Am uak ke? Lo enañin lōñ men ko rej jarōklok Yuk kaki.

5 A Jisös e jab bar uak ñön jirik; kin men in Pailat e bwilōñ.

Isa. 53. 7. Jon 19. 9.

6 A ilo kwojkwoj eo ej kōtlok ñön ir juñn dri prisōn, jabrewōt eo re kōnan.

Mat. 27. 15-26. Luk 23. 17-25. Jon 18. 39.

7 Im juñn etan Barabbas, emwij liabe iben ro r'ar kabata, ir armij r'ar uror ilo air kabata.

8 Im jar eo ej wōnliñlok im jino air kajitök iben, bwe en kōmōn

ñön ir einwōt ej kōmōn ien otemjej.

9 A Pailat ej uak ir, im ba, Kom kōnan bwe In kōtlok ñön kom kiñ an dri Ju ro ke?

10 Bwe ej kili pris ro relap, r'ar ketök E kin air junmare.

11 A pris ro relap rej karel buruen armij rōn, bwe en kōtlok Barabbas ñön ir.

Jerb. 3. 14.

12 Im Pailat e bar uak im ba ñön ir, Inem ta eo komij kōnan bwe in kōmōn ñön Eo kom ba, E kiñ an dri Ju ro?

13 Im rej bar lamij, Kwon drebail E.

14 Inem Pailat ej ba ñön ir, Bōta? ta eo enana E ar kōmōne? Im rej kanuij kalaplok air lamij, Dre-bail E.

15 Inem Pailat, kin an kōnan kainemōne jar eo, ej kōtlok Barabbas ñön ir, im ketök Jisös, ke emwij an dreñlok E, bwe ren drebail E.

Jon 19. 1, 16.

16 Im dri tōrinae rej añinlok E ñön loan jikin eo etan Pritoriōm, im rej kokweloktok jar an tōrinae otemjej.

Mat. 27. 27-32.

17 Im rej kanuknuk E kin balle ekilmir, im birök belin käliliklik, im likit e ion bōran;

18 Im jino air yokyokwe, Yokwe Yuk, kiñ an dri Ju ro!

19 Im rej dreñlok bōran kin koba, im iyelok E, im rej bukwelōlō im kabuñ ñön E.

20 Im ke emwij air kajirere, rej wutik nuknuk ko ekilmir jen E, im kanuknuk E kin nuknuk ko An, im añinlok E bwe ren drebail E.

21 Im juñn etan Saimōn, dri Sairine, jemen Alexander im Rufös, ke ej itok jen ilujen ene, im nañin kijone, rej kamokokoik e bwe en inek An drebail.

Luk 23. 26.

22 Im rej añinlok e ñön jikin

Golgota, ukotön nan in, Jikin löt in bõr.

Mat. 27. 38-56. Luk 23. 33. Jon 19. 17.

23 Im rej lelok ñõn E wain ekäre kin mõrr bwe En irak; a E jab bõk e.

24 Im rej drebail E, im ajej nuk-nuk ko An ilo juõn kakõle loir, bwe ren jela ewi men ko alr.

Sam 22. 18. Luk 23. 34. Jon 19. 23.

25 Im auõ ken ka druatimjuõn, im rej drebail E.

Jon 19. 14.

26 Im nan in kinaklok kake em-wij jeje ilõñin, KIÑ AN DRI JU RO.

Mat. 27. 37. Luk 23. 35. Jon 19. 19.

27 Im rej dreball ruo dri koaroñ na iben, juõn i anbijmaroñõn, im juõn i anmiññin.

29 Im ro rej elälök rej kajirere kake, im jibolul bõralr, im ba, Kweo, Kwoj kokkure tempel, im kalek e iomin jilu ran,

30 Kwon lomoren Yuk, im tolöl jen dreball ne.

31 Bareinwõt pris ro relap rej kajirere im ba ñõn dron kabskraib ro, E ar lomoren ro jet; E jab maroñ mõke lomoren E.

32 Dri Kraist, kiñ in Israel, En to jen drebail eo, bwe jen lo im tõmak. Im ro ar drebail ir na iben rej kajirere kake.

Luk 23. 30.

33 Im ke ej itok joñoul im ruo auõ, emarok ion aolepen ene im ñõn jilu auõ.

Luk 23. 44-46.

34 Im ke jilu auõ, Jisõs ej lamij im elap ainiken, im ba, Eloï, Eloï, lama sabaktani; ukotön nan in, Aõ Anij, Aõ Anij, etke Kw'ar illok jen Iõ?

Sam 22. 1. Mat. 27. 46-51.

35 Im jet lan ro rej jutõk ijo, ke rej roñjake, re ba, Lo, Ej kir Elaija.

36 Im juõn etör im katulok mõt-mõt ilo vinegar, im likit e iman koba, im lelok ñõn E bwe En irak, im ba, Jab kijir; jen lo Elaija e naj iten drorlöl, ak jab.

Sam 22. 21. Jon 19. 29.

37 Im Jisõs ej lamij im elap ainiken, im kötlok Au.

Jon 19. 30.

38 Im rõñel in tempel e botõk im ruo mõtön, jen loñ ñõn löl.

39 Im senturiõn, eo ej jutõk iki-jen, ke ej lo bwe ein drein Au mij, e ba, Emol armij in e Nejin Anij.

Mat. 27. 54. Luk 23. 47.

40 Im jet kõra rej aluij im toane: jet iair Meri Magdalini, im Selome, im Meri jinen Jemes erik im Joses;

Mat. 27. 55. Luk 23. 49.

41 Im iriõñ ke E ar ber i Galili, r'ar lor E, im jerral ñõn E: im bar elõñ kõra ro r'ar wõnliñtok ibentok ñõn Jerusalem.

Luk 8. 2, 3.

42 Im kiõ ke ejota, bwe ien kapojõk, eñin ran iman Sabat,

Mat. 27. 57-61. Luk 23. 50-56. Jon 19. 38-42.

43 Josep dri Arimatia, e dri bebe im emõn, im ej kötär allin in Anij, ej itok, im eberan in dreloñ ñõn iben Pailat, im kajitõk ubõn Jisõs.

Luk 2. 25, 38.

44 Im Pailat e bwilõñ elañe Emij wõt; im ej añiñintok senturiõn eo, im kajitõk iben, ietoõn An emij.

45 Im ke e jela jen senturiõn, ej lelok ubõn ñõn Josep.

46 Im ej wialk nuknuk linen, im drorlöl, im kitimi kin nuknuk linen eo, im kababu e ilo lüp eo, ar jekjek e ilo dreka, im ej karebillok ejman na ilo aur in lüp eo.

47 Im Meri Magdalini, im Meri jinen Joses, rej lo ijo r'ar likit e ie.

JAPTER 16.

IM ke ejemlok Sabat, Meri Magdalini, im Meri jinen Jemes, im Selome, r'ar wialk men ko reñõj, bwe ren item kabit E.

Mat. 28. 1-8. Luk 24. 1-10. Jon 20. 1. Luk 23. 56.

2 Im ke ej jimarok, ran eo mokta ilo wik, rej itok ñõn lüp eo ke ej tak al.

3 Im re ba ñõn dron, Wõn e naj karebillok ñõn kij ejman jen aur in lüpõn?

4 Im ke rej lale, rej lo ejman eo erebillok; bwe e kanuij lap.

5 Im ke rej dreloñ illoan lüp eo, rej lo juñ likao ej jiyöt i anbiymarön, ej balle kin kobe emouj; im re kömlök.

Jon 20. 11, 12.

6 Im e ba ññon ir, Komin jab kömlök: komij bukot Jisös dri Nazeret, eo ar dreball E: E ar jerkakbiji; E joko ijin; komin lale ijo r'ar kababu E.

7 A komin ilok, kennanek ro dri kaloran im Piter, Ej mököjlok jen kom ññon Galili, ijo kom naj lo E, einwöt E ar ba ññon kom.

Mat. 26. 32. jap. 14. 28.

8 Im rej drioiylok, im emököj air ko jen lüp eo: bwe rej wurririr im bwilöñ: im ejelok air ba ññon jabrewöt armij, bwe re mijök.

9 [Im ke Jisös ej jerkakbiji ke ejimarok ilo ran mokta ilo wik, Ej weaktok mokta ññon Meri Magdalini, eo E ar kajutöklok jiljilimjuñ dimon jen iben.

Jon 20. 14. Luk 8. 2.

10 Im ej ilem kennanek ro re karber iben, ke rej buromöj im jöñti.

Luk 24. 10. Jon 20. 18.

11 Im ir, ke emwij air roñjake bwe Ej mour, im lio e ar lo E, re jab tömak.

Luk 24. 11.

12 Elikin men kein, Ej weaktok ilo bar juñ wäwen ññon ruo iair, ke rej ilok ññon lujen ene.

Luk 24. 13.

13 Im rej ilem kennanek ro jet: im re jab tömak ir.

14 Tokelik Ej weaktok ññon joñoul im juñ ke rej jiberak im möña, im Ej kowe ir kin air jab tömak im bin burueir, bwe r'ar jab tömak ro r'ar lo E elikin An jerkakbiji.

Luk 24. 36. Jon 20. 19. 1 Kor. 15. 5.

15 Im E ba ññon ir, Komin ilok ññon aolepen löñ, im kwalok gospel ññon armij otemjelok.

Mat. 28. 19. Kol. 1. 23.

16 Eo ej tömak im baptais, e naj mour; eo e jab tömak, naj llake-lok e.

Jon 3. 18, 36. & 12. 48. Jerb. 2. 38. & 16. 30, 31, 32. Rom 10. 9. 1 Pit. 3. 21.

17 Im kaköle kein re naj iben ro rej tömak: ilo eta re naj kajutöklok dimon ro; im re naj konono kin lo ko rekäl;

Luk 10. 17. Jerb. 5. 16. & 8. 7. & 16. 18. & 19. 12. Jerb. 2. 4. & 10. 46. & 19. 6.

18 Re naj kwotöke serpent ko: im elañe rej ilimi uno kñon mij ejelok nana ibeir; re naj likit peir lon ro renañimij, im re naj mour.

Luk 10. 19. Jerb. 28. 5. & 5. 15, 16. & 9. 17. & 28. 8. Jerb. 5. 14, 15.

19 Inem ñe emwij an Iroi konono ññon ir, ar bökliñlok E ññon löñ, im E jiyöt i anbiymaröñon Anij.

Jerb. 1. 3. Luk 24. 51. Sam 110. 1. Jerb. 7. 55.

20 Im rej ilok, im kwalok ijo ko otemjej, im Iroi ej jerbal ibeir, im Ej kabin nan eo kin men in bwilöñ ko, r'ar kömöñmñi. Amen.]

Jerb. 5. 12. & 14. 3. 1 Kor. 2. 4, 5. Hib. 2. 4.

GOSPEL LUK E AR JE.

JAPTER 1.

BWE elöñ r'ar kajeon bwe ren kajimelök bwebwenato kin men ko rejeyit iolaper,

2 Einwöt r'ar letok ññon kij, ro dri lale kin mejeir im dri jerbal ilo nan jen jinoi;

Mark 1. 1. Jon 15. 27. Hib. 2. 3. 2 Pit. 1. 18. 1 Jon 1. 1.

3 Añ lemnok bar einwöt emön iba, kin añ kanuij jela men otemjej jen jinoi, bwe in jeje jimewöt ññon kwe, Tiopilös emön potata,

Jerb. 15. 25, 28.

4 Bwe kwon jela remol nan ko ar katakin yuk kaki.

Jon 20. 31.

5 Ilo ran ko ran in Herod, kiñ in

Judia, juön pris etan Zakeraias, ilo jar an Abaija; im lio belen juön ian ro nejn Arön, im etan Elisabet.

Mat. 2. 1. 1 Kron. 24. 10.

6 Im irro emön mwilir iman mejen Anij, im rej etetal ilo kien ko otemjej, im kabufjar ko an Iroj, im ejelok notair.

Jen. 7. 1. & 17. 1. Job 1. 1. Jerb. 23. 1. & 24. 16.

7 Im ejelok nejir, bwe Elisabet ewar, im irro re ridto wöt.

8 Im ke ej kömön jermal eo an pris iman mejen Anij ilo ran ko an,

1 Kron. 24. 19. 2 Kron. 8. 14. & 31. 2.

9 Einwöt mönit an pris, kwonan bwe en dreloñ illoan tempel in Iroj, im kökaijurjur.

Eks. 30. 7, 8. 1 Samuel 2. 28. 1 Kron. 28. 18.

10 Im bwijn armij otemjej r'ar jar inabij ilo auö in kökaijurjur.

Rev. 8. 3, 4.

11 Im enjel in Iroj ej weaktok fiön e im e jutök i anbijmarofiön lokatok in kökaijurjur.

Eks. 30. 1.

12 Im ke Zakeraias ej loe, eabwin-möke, im mijök e bufi ion.

Eka. 6. 22. & 13. 22. Dan. 10. 8. jap. 2. 9. Jerb. 10. 4.

13 A enjel e ba fiön e, Zakeraias, kwon jab mijök: bwe emwij roñ-jake am jar; im Elisabet, lio beleöm, e naj kemour nejn man fiön kwe, im kwo naj likit etan Jon.

jap. 1. 60, 83.

14 Im kwo naj löñliñ im buñbu-ruöm; im elöñ re naj löñliñ kin an lotak.

jap. 1. 58.

15 Bwe e naj lap iman mejen Iroj, im e jamin irak wain ak dren ekajur: im e naj obrök kin Jitöb Kwojarjar jen lojen jinen.

Bwin. 6. 3. Eka. 13. 4. jap. 7. 33. Jer. 1. 5.

16 Im elöñ ro nejn Israel e naj ukot ir fiön Iroj air Anij.

Mal. 4. 6.

17 Im e naj ilok imanlok ilo jitöb im kajur an Elaija, bwe en ukot buruen jemeir fiön ro nejir, im ro re jab bokake fiön meletlet an ro

dru wänik; bwe en kapojök fiön Iroj armij ro rerelok fiön E.

Mat. 11. 14.

18 Im Zakeraias ej ba fiön enjel eo, e naj kijkan aö jela men in? bwe ña lölap, im lio beliö lilap.

Jen. 17. 17.

19 Im enjel ej uak im ba fiön e, Ña Gebriel eo ej jutök iman mejen Anij; im ar jilkinwoj iö bwe in konono fiön yuk, im kwalok fiön kwe nan kein remön.

Dan. 8. 16. & 9. 21. Mat. 18. 10.

20 Im lo, kwo naj kejeklokjen, im jab maroñ in konono mae ran eo men kein re naj walok, bwe kw'ar jab tömak nan ko aö, re naj jejit ilo ien eo air

Ezek. 8. 26. & 24. 27.

21 Im armij rej kötari Zakeraias, im bwilöñ bwe eto an ber illoan tempel

22 Im ke ej drioi, e ban konono fiön ir: im rej kili bwe e ar lo vislöñ illoan tempel: im ej jitöñ ir, im ej kejeklokjen.

23 Im ke ran ko ran in jermal eo an remotelok, ej ilok fiön mweo imön.

2 Kin 11. 5.

24 Im elikin ran ko, lio belen, Elisabet, ej böroro, im ej tilekek lomin lailim aliñ, im ba,

25 Ein drein an Iroj kömön fiön iö ilo ran ko ke E ar lale iö, bwe En bökklok aö jok iben armij.

Jen. 30. 23.

26 Im ilo aliñ ken ka jiljino, ar jilkinlok enjel Gebriel jen Anij fiön juön jikin kwelok i Galili, etan Nazeret,

27 Ñön juön virjin mokta jen an belek juön eman etan Josep, ilo nukin Devid; im etan virjin eo Meri.

Mat. 1. 18. jap. 2. 4, 5.

28 Im enjel ej dreloñ fiön iben, im ba, Yokwe yuk, kwe elap am jerrammön, Iroj ej ber iböm.

Eka. 6. 12. Dan. 9. 23. & 10. 19.

29 A ej lokjenan kin an in nan, im ej kalomönlokjen ie ein Yok-yokwe in.

30 Im enjel ej ba ñòn e, Meri, kwon jab mijök: bwe kw'ar lo joij jen Anij.

31 Im lo, kwo naj böroro, im kemour nejöm man, im kwo naj likit etan Jisös.

Isa. 7. 14. Mat. 1. 21. Jap. 2. 21.

32 E naj laplap, im naj naetan Nejin Eo Eutiejtata: im IroiJ Anij e naj lelok ñòn E tron eo an Devid jemen:

Mark 5. 7. 2 Samuel 7. 11, 12. Sam 132. 11. Isa. 9. 6, 7. & 16. 5. Jer. 23. 5. Rev. 3. 7.

33 Im E naj iroiJ ion imön Jeköb in drio: im ailiñ eo An e jamin jemlok in drio.

Dan. 2. 44. & 7. 14, 27. Mika 4. 7. Jon 12. 34. Hib. 1. 8.

34 Inem Meri ej ba ñòn enjel eo, E naj kijkan men in, bwe I jab jela man?

35 Im enjel ej uak im ba ñòn e. Jitöb Kwojarjar e naj itok iom, im kajur an Eo Eutiejtata e naj kalur yuk; im kin men in Eo kwojarjar e naj lotak naj likit etan Nejin Anij.

Mat. 1. 20. & 14. 33.

36 Im lo, jeöm, Elisabet, ej bar einwöt böroro kin nejin man ilo ien an lilap: im ien in aliñ ken ka jiljino iben eo r'ar ba, Ewar.

37 Bwe ejelok nan jen Anij e naj mójino.

Rom 4. 21.

38 Im Meri ej ba, Lo ña dri korijeran IroiJ: en ber iba einwöt am in nan. Im enjel ej ilok jen e.

39 Im Meri ej jutök ilo ran ko, im emököj an ilok ñòn eneo eutiej, ilo juön jikin kwelok i Juda;

Jos. 21. 11.

40 Im ej dreloñ iloan imön Zakearias, im yokyokwe Elisabet.

41 Im ke Elisabet ej roñ yokyokwe an Meri, niñniñ ej lienin ilo lojien; im Elisabet ej obrök kin Jitöb Kwojarjar:

42 Im ej konono im elap ainiken, im ba, Kwe kwo mönönö ian köra rön, im emönönö inen lojöm.

EkaJ. 5. 24.

43 Im e jen ia men in iba, bwe jinen aö IroiJ ej itok ñòn iba?

44 Bwe lo, emököj ke am yokyokwe ej dreloñtok lojilñiñ, niñniñ ej lienin i lojio kin löñliñ.

45 Im emönönö eo e ar tömak: bwe e naj jejit men ko IroiJ e ar konono ñòn e.

46 Im Meri ej ba, Aö ej nebar IroiJ,

1 Samuel 2. 1-10. Sam 34. 2. 3. & 35. 9. Hab. 3. 18.

47 Im aö jitöb e ar löñliñ ilo Anij aö dri Lomor;

48 Bwe E ar lale an etä dri korijeran; bwe lo, jen len in ebeben otemjej re naj ba ij mönönö.

1 Samuel 1. 11. Sam 138. 6. Mal. 3. 12. Jap. 11. 27.

49 Bwe Eo ekajur E ar kömön-mön men ko relap ñòn iö: im Etan ekwojarjar.

Sam 71. 19. & 126. 2. 3. & 111. 9. Jen. 17. 7. Eks. 20. 6. Sam 108. 17.

50 Im Ej tiriamokake ro rej mijök E jen ebeben ñòn ebeben.

51 E ar kwalok kajur kin pein: im E ar kijibliklok ro dri jua ilo lemnok an burueir.

Sam 98. 1. & 118. 15. Isa. 40. 10. & 51. 9. & 52. 10. Sam 33. 10. 1 Pit. 5. 5.

52 E ar kötaik iroiJ rön jen air ken jijöt, im E ar koutlej ro rej etä.

1 Samuel 2. 6-8.

53 E ar kamat ro rej kwuli kin men ko remön; im ro dri mwele Ej jilkinlok in ejelok ibeir.

1 Samuel 2. 5. Sam 34. 10.

54 E ar jiböñ Israel, dri korijeran, bwe En kememej An tiriamo,

Sam 98. 3. Jer. 31. 3. 20.

55 Ñön Ebrean im inen, in drio, einwöt E ar konono ñòn ro jimar.

Jen. 17. 19. Sam 132. 11. Gal. 3. 18.

56 Im Meri ej ber iben iomin jilu aliñ, im ej jeblak ñòn mweo imön.

57 Kiö ejelit ien an Elisabet keutak: im ej kemour nejin man.

58 Im ro dri turin kab ro nukin rej roñjake kijkan IroiJ e ar kalaplok An tiriamo ñòn e: im rej löñliñ iben.

59 Im ilo ran eo ken ka drualitök, rej itok bwe ren mijmij niñniñ: im rej naetan Zakarias, etan jemen.

Jen. 17. 12.

60 Im jinen ej uak im ba, Jab, a etan Jon.

61 Im rej ba ñon e, Ejelok juon ian ro nukum re kar likit at in.

62 Im rej romeje jemen, at ot eo e kounan bwe ren likit etan.

63 Im ej kajitok kin ken jeje. Im ej jeje, im ba, Etan Jon. Im ir otemjej re bwilohn.

64 Im emokoj lohin ebellok, im loin emjol, im ej konono, im nebar Anij.

65 Im mijok ej itok ioir otemjej rej jokwe iturir: im nan kein otemjej re buñbuñlok i ene utiej otemjej i Judia.

66 Im ir otemjej rej roñjaki, rej likiti ilo burueir im ba, Inem e naj kijkan ajiri in? Bwe pein Iroj e ar ber iben.

jap. 2. 19, 51. Sam 80. 17. Jerb. 11. 21.

67 Im Zakarias jemen, ej obrök kin Jitob Kwojarjar, im ej drikanij im ba,

Joel 2. 28.

68 Ren nebar Iroj eo Anij in Israel, bwe E ar itok im lomoren ro dron,

1 Kin 1. 48. Sam 41. 13. & 72. 18. & 106. 48.

1 Eks. 3. 16. Sam 111. 9. jap. 7. 16.

69 Im E ar kajutok drun in lomor ñon kij ilo nukin Devid, dri korijeran;

Sam 132. 17.

70 Einwöt E ar konono kin lohin dri kanan kwojarjar ro An jen eto: Jer. 23. 5, 6. & 30. 9. Jerb. 3. 21. Rom 1. 2.

71 Lomor jen ar dri kijirät, im jen pein ro otemjej rej kitotokake kij;

72 Bwe En komonmon tiriamo ñon ro jimar, im kememej An kalimur ekwojarjar,

Levai 26. 42. Sam 105. 8, 9. & 106. 45.

73 Kanöjnij eo E ar kanöjnij ñon Ebream, jimar,

Jen. 22. 16, 17.

74 Bwe En letok ñon kij, bwe jen mejöl jen pein dri kijirät ro ar, im bwe jen jermal ñon E im ejelok mijok,

75 Ilo kwojarjar im wänik iman mejen iomin ran otemjej ar.

Ep. 4. 24. 2 Tes. 2. 13. 2 Tim. 1. 9. Tait. 2.

12. 1 Pit. 1. 15. 2 Pit. 1. 4.

[Marshall Islands.] 3T*

76 Aet, im kwe, O ajiri, naj likit etom Dri kanan an Eo Eutiejtata: bwe kwo naj ilok iman mejen Iroj, bwe kwon kapojok ial ko An;

Mal. 3. 1. & 4. 5. Mat. 11. 10.

77 Bwe kwon lelok jela mour ñon armij ro An, kin jeorlok jerawiwi ko air,

Mark 1. 4. jap. 3. 3.

78 Kin elap tiriamo an ar Anij: ilo men ko rantak jen loñ e naj walok ñon kij,

Isa. 11. 1. Zek. 3. 3. Mal. 4. 2.

79 Bwe en kamramlok ro rej jijot ilo marok im ilo lurin mij, bwe en kajime neer ilo ial in ainemön.

Isa. 9. 2. & 42. 7. & 49. 9. Mat. 4. 16.

80 Im ajiri eo ej edrek im kajurlok ilo an, im ej ber ilo ene jemaren ko mae ran eo ej möke walok ñon Israel.

jap. 2. 40. Mat. 3. 1. & 11. 7.

JAPTER 2.

IM ilo ran ko, juon kien ej ilok jen Sisar Augöstös bwe ren je dri lol otemjej.

2 Im r'ar komön jeje in mokta ke Sairiniös e Iroj in Siria.

Jerb. 5. 37.

3 Im ir otemjej rej ilok bwe ren jeje ir, jabrewöt lair ñon jikin kwelok eo an.

4 Im bareinwöt Josep e ar wönliflok jen Galili, jen jikin kwelok Nazeret, ñon Judia, ñon jikin kwelok an Devid, naetan Betleem, bwe e ilo bwijin im nukin Devid;

1 Samuel 16. 1, 4. Jon 7. 42.

5 Bwe ren je e, iben Meri mokta jen airro belele, im e böroro.

6 Im ke rej ber ijo, ejelit ran ko ej keutak.

7 Im ej keutak manjen, im kirboke, im kababu e ilo menjer; bwe ejelok jikir ilo imön drua majet.

Mat. 1. 25.

8 Im ilo eneo eor šeperd rej ber ilo jikin ujoij, im lale bwijin šip ko air ilo boñ.

9 Im lo enjel in Iroj ej jutok iturir, im wuj an Iroj ej romak ioir: im elap air lelñon.

jap. 1. 12.

10 Im enjel ej ba ñõn ir, Komin jab leñõñ: bwe lo, ij bõkwõj ñõn kom nan ko remõn, nan in lõñlñ elap, im e naj ñõn armij otemjelok.

11 Bwe ranin elotak ñõn kom ilo jikin kwelok an Devid, Dri Lomor, E Kraist Iroi.

Isa. 9. 6. Mat. 1. 16, 21. & 16. 16. Jap. 1. 43. Jerb. 2. 36. & 10. 36.

12 Im men in kakõle ñõn kom; kom naj lo niñuñ eo emwij kirboke im ej babu ilo menjer.

13 Im emõkõj weaktok iben eujel tok elõñ ian ro dri lõñ, im rej nebar Anij, im ba,

Jen. 28. 12. & 32. 1, 2. Sam 103. 20, 21. Dan. 7. 10.

14 Albujij ñõn Anij ilo utietata, im ainemõn ion lõl iben armij rõn E buñburuen kin ir.

Jap. 19. 38. Rev. 5. 13. Isa. 57. 19. Jap. 1. 79. Rom 5. 1. Ep. 2. 17. Kol. 1. 20. 1 Jon 3. 16. Ep. 2. 4, 7. 2. Tes. 2. 16.

15 Im ke enjel ro remotelok jen ir ñõn lõñ, šeperd ro rej konono ñõn dron, im ba, Kiõ jen ilok ñõn Betleem, im lo men in ej walok, eo Iroi e ar kwalok ñõn kij.

16 Im rej jarõptok im lo Meri, im Josep, im niñuñ eo ej babu ilo menjer.

17 Im ke emwij air loe, rej kabuñbuñlok nan eo e ar walok ñõn ir kin niñuñ eo.

18 Im ro otemjej rej roñjake re bwilõñ kin men ko šeperd rõn r'ar konono ñõn ir.

19 A Meri ej drebij men kein otemjej, im kalomõnlokjen kaki ilo buruen.

Jen. 37. 11. Jap. 1. 66.

20 Im šeperd ro rej jeblak, im wijtak im nebar Anij kin men ko otemjej r'ar roñjaki im loi, einwõt konono ñõn ir.

21 Im ke ejemlok drualitõk ran kin mijmij ajiri eo, rej naetan Jisõs, einwõt enjel e ar ba mokta jen an ber i lojien jinen.

Jen. 17. 12. Jap. 1. 50. 1 Mat. 1. 21. Jap. 1. 31.

22 Im ke ejemlok ran ko ran in karreo irekar ñõn kien Moses, rej bõklok E ñõn Jerusalem bwe ren lelok E ñõn Iroi:

Levai 12. 2-6.

23 Einwõt ar je ilo kien Iroi, Niñuñ man otemjej re manji, naj likit ir kwojarjar ñõn Iroi;

Eks. 13. 2.

24 Im bwe ren lelok jurtak einwõt ar ba ilo kien Iroi, Ruo tõrtõl döv, ak ruo muli redrik.

Levai 12. 8.

25 Im lo, juõn armij ilo Jerusalem etan Simeõn, im armij in ewänik im emõn mwilin, im ej kõtär aine-mõn an Israel, im Jitõb Kwojarjar ej ber ion.

Isa. 40. 1. Mark 15. 43.

26 Im Jitõb Kwojarjar e ar kwalok ñõn e, bwe e jamin lo mij mokta jen an lo dri Kraist an Iroi.

Sam 89. 48. Hib. 11. 5.

27 Im ej itok kin Jitõb iloan teim-pel: im ke jemen im jinen rej bõk-tok niñuñ Jisõs bwe ren kõmõn kin E ekar ñõn mõntin kien,

Mat. 4. 1.

28 Inem ej jebõk E kin pein, im nebar Anij, im ba,

29 Kiõ Iroi kwon kotlõk iõ dri korijeram ilo ainemõn einwõt Am in nan:

Jen. 46. 30.

30 Bwe meja r'ar lo Am lomor,

Isa. 52. 10. Jap. 3. 6.

31 Eo Kw'ar kapojõk iman mejen armij otemjej:

32 Maram bwe en rome ro dri ailiñ ko, im wuj an ro drom Israel. Isa. 42. 6. & 49. 6. & 60. 1-3. Jerb. 13. 47. & 28. 28.

33 Im jemen im jinen rejro bwilõñ kin men ko konono kin E.

34 Im Simeõn ej jar kin ir, im ba ñõn Meri jinen, Lo, ajiri in Ej ñõn buñ im jerkak an elõñ ilo Israel, im ñõn juõn kakõle rej konono nae e;

Hos. 14. 9. Mat. 21. 44. 1 Kor. 1. 23, 24. 1 Pit. 2. 8. Jerb. 28. 22.

35 Aet im jaji e naj wie im bijlok am; bwe lemnok ko jen elõñ buru ren walok.

Jon. 19. 25.

36 Im juõn dri kanan kõra etan Anna, nejin Panuel, jen bwijin Ašer; e lilap im e kar ber then leo belen iomin jiljilimjuõn yiõ jen teu an virjin;

37 Im ke ejoko belen ñõn druallitök-ñoul im emen yiõ, e jab ilok jen tempel, a ej kabuñ ñõn Anij ilo jitlok im jar ko boñ im ran.

Jerb. 28. 7. 1 Tim. 5. 5.

38 Im ilo auð in ej dreloñ im kamolol Anij, im konouo kin E ñõn ir otemjej rej kōtar lomor ilo Jerusalem.

Mark 15. 43. jap. 24. 21.

39 Im ke emwij air kōmōn men otemjej ekar ñõn kien Iroj, rej jeblak ñõn Galili, ñõn Nazeret jikiu kwelok eo air.

40 Im niñniñ Ej edrek im kajurlok, im eobrök kiu meletlet; im joij in Anij ej ber ion.

jap. 1. 80. & 2. 52.

41 Im jemen im jinen rej wōnliñlok ñõn Jerusalem ilo yiõ otemjej ñõn kwojkwōj in kijone.

Eks. 23. 15. Dut. 16. 1.

42 Im ke joñoul im ruo yiõ An ridto, rej wōnliñlok ilo mōntin kwojkwōj eo.

43 Im ke ejejit ran ko, ke rej jeblak, ajiri Jisōs ej berwōt i Jerusalem: im jemen im jinen re jaje kake.

44 A kin air lemnok Ej ber ilo bwiljin jar eo, rej ilok ilo ial iomin juõn ran; im rej bukot E iolapin ro nukir im ro jerair.

45 Im ke re jab lo E, rej bar jeblaklok ñõn Jerusalem, im kabukot E.

46 Im ilokōn jilu ran rej lo E iloon tempel, Ej jijōt iolapin ro dri kaki, Ej roñjake ir, im kajitök ibeir.

47 Im ir otemjej rej roñjake re bwilōñ kin An meletlet im nan in uak.

Mat. 7. 28. jap. 4. 22, 32. Jon 7. 15. 46.

48 Im ke rejro lo E, re lokjenair: im jinen e ba ñõn E, Nejiõ, etke ein drein Am kōmōn ñõn kim? Kimro jemōm ar kabukot Yuk im buromōj.

49 Im E ba ñõn ir, Etke kom ar bukot Iõ? kom ar jaje ke bwe emōn In ber ilo imōñ Jema?

Jon 2. 16.

50 Im re jaje kake nan eo E ar konono ñõn ir.

jap. 9. 45. & 18. 34.

51 Im Ej wōnliñlok ibeir, im itok ñõn Nazeret, im Ej bokake ir. A jiuen ej likit nan kein otemjej ilo buruen.

Dan. 7. 28.

52 Im Jisōs ej laplok ilo An meletlet im ridto, im ilo joij iben armij im Anij.

1 Samuel 2. 26.

JAPTER 3.

KIÕ ilo yiõ ken ka joñoul im lailim ilo an Taibiriōs Sizar kiñ, ke Pontiōs Pailat ej iroj in Judia, im Herod ej titrak in Galili, im Pili jein im jätin ej titrak in ene ko an Ituria im Trakonitis, im Laisenas ej titrak in Abilini,

2 Ke Annas im Kaipas rejro pris relap, nan in Anij ej itok ñõn Jon nejin Zakarias ilo ene jemaren.

Jon 18. 13. Jerb. 4. 6.

3 Im ej itok ilo ene otemjej iturin Jordan, im kwalok baptais in ukwelok ñõn jeorlok jerawiwl ko:

Mat. 3. 1-12. Mark 1. 4-8. jap. 1. 77.

4 Einwōt jeje ilo buk in nan ko an Aisala dri kanan, Ainiken juõn ej lamij i ene jemaren, Komin kapoj ial an Iroj, im kajime ial ko An.

Isa. 40. 3. Jon 1. 23.

5 Komlōl otemjej re naj jeñōk, im tol otemjej relap im redrik re naj etālok, im men ko r'ankeke re naj jime, im ial ko reberakilkil re naj eoair wōt juõn:

6 Im kōniek otemjej re naj lo lomoren Anij.

Sam 98. 2. Isa. 52. 10. jap. 2. 10.

7 Inem ej ba ñõn jar ko r'ar itok bwe en baptais ir, O kom, nejin vai-per ko, wōn ear kowe kom bwe komin ko jen illu e naj itok.

8 Inem komin jebar leen ekar ñõn ukwelok; im jab jino ami ba ilo bu-ruemi, Ebream e jemeruij: bwe ij ba ñõn kom, Anij ej maroñ in ke-jerkak ro nejin Ebream jen dreka kein.

9 Im kiõ emwij likit ūlāl i okran wijki ko; inem wijki otemjej re jab jebar im emōn leir, juokwi im ju-
lok ilo kijeek.

Mat. 7. 19.

10 Im armij rön rej kajitök iben
im ba, Inem ta eo kimin kömöne?
Jerb. 2. 37.

11 E uak im ba ñön ir, Eo ruo an
kobe, en lelok ñön eo ejelok an: im
eo eor kijen, en kömönmö einwöt.
Jap. 11. 41. 1 Jon 3. 17.

12 Inem bareinwöt dri tel owöj
rej itok bwe ren baptais, im re ba
ñön e, Dri kaki, ta eo kimin kö-
möne?

Mat. 21. 32. Jap. 7. 29.

13 Im e ba ñön ir, Komin jab bök
eor jen emwij ba ñön kom.
Jap. 19. 8.

14 Im bar einwöt dri törinae rej
kajitök iben im ba, Im ta eo kimin
kömöne? Im e ba ñön ir, Komin
jab kokkure armij, im jab riöp nae
ir; im komin joköne kin wönan
ami jerbal.

Eks. 23. 1. Levai 19. 11.

15 Im ke armij rej kilkake, im ir
otemjej rej kalomönlökjen iloan
buruelr kin Jon, e dri Kraist ke
jab ke;

16 Jon e uak, im ba ñön ir otem-
jej, Aet ña ij baptais kom kin dren;
a ej itok Eo ekajur jen iö, kworön
ballin neen I betkake bwe in jelate:
E naj baptais kom ilo Jitöb Kwo-
jarjar im kijeek:

17 An drel ilo pein bwe En kanuij
karreo jikin nowe wit eo An, im
bwe En ainitok wit iloan imöu wit:
a kilin wit E naj tili ilo kijeek e
jamin kwün.

Mat. 13. 30.

18 Im kin bar elöñ nan in kowe e
ar kwalok ñön armij rön.

19 A bwe e kar enoik Herod titrak
eo kin Herodias, lio belen jein im
jätin, im kin men ko otemjej rena-
na Herod e ar kömöni,

Mat. 14. 3. Mark 6. 17.

20 E ar koorlok men otemjej kin
men in, bwe e ar kil Jon iloan
prisön.

21 A ke armij otemjej r'ar baptais,
bareinwöt Jisös ej baptais, im ke Ej
jar, löñ emjallok,

Mat. 3. 13-17. Mark 1. 9-11. Jon 1. 32.

22 Im Jitöb Kwojarjar, ilo wäwen

muli, Ej kälöltak ion; im ainiken
ej itok jen löñ, im ba, Kwe Nejiö,
jiteuburu iba, Ij mönönö kake Yuk.

23 Im Jisös ke E jino An jerbal, e
nañin jilñoul yiö An ridto, (ein air
lemnok) E nejin Josep, eo nejin
Hilai,

Bwin. 4. 3. Mat. 13. 55. Jon 6. 42.

24 Eo nejin Mattat, eo nejin Livai,
eo nejin Melkai, eo nejin Janneai,
eo nejin Josep,

25 Eo nejin Mattetalas, eo nejin
Emös, eo nejin Nehöm, eo nejin
Eslai, eo nejin Naggeai,

26 Eo nejin Meat, eo nejin Matte-
talas, eo nejin Semein, eo nejin
Josek, eo nejin Joda,

27 Eo nejin Joenan, eo nejin Risa,
eo nejin Zirubbabel, eo nejin Šial-
talel, eo nejin Nirai,

28 Eo nejin Melkai, eo nejin Ad-
dai, eo nejin Kosam, eo nejin Elme-
dam, eo nejin Er,

29 Eo nejin Jisös, eo nejin Elai-
izer, eo nejin Jorim, eo nejin Mat-
tat, eo nejin Livai,

30 Eo nejin Simeön, eo nejin Ju-
das, eo nejin Josep, eo nejin Jonam,
eo nejin Elalekim,

31 Eo nejin Melia, eo nejin Menna,
eo nejin Matteta, eo nejin Netan,
eo nejin Devid,

Zek. 12. 2. 2 Samuel 5. 14. 1 Kron. 3. 5.

32 Eo nejin Jesse, eo nejin Obed,
eo nejin Boaz, eo nejin Salmön, eo
nejin Naşon,

Rut 4. 18-22.

33 Eo nejin Amminedab, eo nejin
Arnai, eo nejin Hezron, eo nejin
Pirez, eo nejin Juda,

34 Eo nejin Jeköb, eo nejin Alsak,
eo nejin Ebream, eo nejin Tira, eo
nejin Nehor,

Jen. 11. 10-26.

35 Eo nejin Sirug, eo nejin Reu,
eo nejin Pileg, eo nejin Eber, eo
nejin Šila,

36 Eo nejin Keinan, eo nejin Ar-
paxad, eo nejin Šem, eo nejin Noa,
eo nejin Lemek,

Jen. 5. 6.

37 Eo nejin Metusila, eo nejin

Inök, eo nejin Jered, eo nejin Mehelaliel, eo nejin Keinau,
38 Eo nejin Inös, eo nejin Set, eo nejin Adam, eo nejin Anij.

Jen. 5. 1, 2.

JAPTER 4.

IM Jisös, eobrök kin Jitöb Kwojarjar, Ej jeblak jen Jordan, im Jitöb ej añinlok E ilo ene jemaren, Mat. 4. 1-11. Mark 1. 12, 13. Jap. 2. 27. & 4. 14.

2 Iomin eñoul ran, im devil ej kabo E. Im ilo ran ko ejelok Au mōña; im ke rejemlok, E kwull.

Eks. 34. 28. 1 Kín 19. 8.

3 Im devil e ba ñön E, Elañe Kwe Nejin Anij, Kwon ba ñön dreka in bwe en erom bred.

4 Im Jisös e uak e, im ba, Ar je, Armij re jamin mour kin bred wöt.

Dut. 8. 3.

5 Im ej añinliñlok E, im kaluij E aillñ in löl otemjej ilo jirik wöt ien.

6 Im devil ej ba ñön E, Kajur kein otemjej im air aibujulj I naj lewöj ñön Yuk; bwe emwij litok ñön iö: im ij lelok ñön jabrewöt eo I kōnan.

Jon 12. 13. & 14. 30. Rev. 13. 2.

7 Inem elañe Kwo naj kabuñ ñön iö, e naj Au men kein otemjej.

8 Im Jisös e uak im ba ñön e, Ar je, Kwon kabuñ ñön Iroi j am Anij, im jerbal ñön E wöt.

Dut. 6. 13. & 10. 20.

9 Im ej añinlok E ñön Jerusalem, im kajutök E ion kijmen tempel, im ba ñön E, Elañe Kwe Nejin Anij, Kwon kälöllok jen ijin:

10 Bwe ar je, E naj jiroñ enjel ro Au kin Yuk, bwe ren kanuij lal Yuk:

Sam 91. 11.

11 Im ion peir re naj baur Yuk, bwe kwon jab itak neöm ilo dreka.

12 Im Jisös e uak im ba ñön e, Ar ba, Kwon jab kabo Iroi j am Anij.

Dut. 6. 18.

13 Im ke devil e ar kamwijlok kabo otemjej, ej ilok jen E mae bar juön ien.

Jon 14. 30. Hib. 4. 15.

14 Im Jisös ej jeblak ilo kajur an

Jitöb ñön Galili: im An buñibuñ ej ilok ñön ene otemjej iturin.

Mat. 4. 12. Jon 4. 43. Jerb. 10. 37.

15 Im Ej katakin ilo imöu kwelok ko air, im ir otemjej rej wijtak E.

16 Im Ej itok ñön Nazeret, ijo E ar ridtolök im ber ie: im einwöt An kōmön ien otemjej, Ej dreloñ iloañ imön kwelok ilo Sabat, im jutök bwe En konono ilo buk.

Mat. 2. 23. Mark 6. 1. Jerb. 13. 14. & 17. 2.

17 Im r'ar lelok ñön E buk in Alsala, dri kanan. Im ke emwij An erlokwe buk, Ej lo ijo ar je,

18 Jitöb öñ Iroi j ej Iö, bwe E ar kabit Iö bwe In kwalok gospel ñön ro dri jeramel; E ar jilkintok Iö bwe In kwalok kötlok ñön matön iri, im lolokjen ñön ro rebilo, bwe In kötlok ro ar kokkure ir,

Isa. 61. 1.

19 Bwe In kwalok ylö eo emön an Iroi j.

20 Im Ej lim buk eo, im bar lelok ñön dri jiböñ eo, im jijöt. Im mejeir otemjej iloañ imön kwelok rej kalimjek E.

21 Im E jino an ba ñön ir, Ranin nan ilo Jeje in ejejit ilo lojllñemi.

22 Im ir otemjej rej nebar E, im bwilöñ kin nan in joij rej walok jen loñin. Im re ba, E in e jab nejin Josep ke?

Sam 45. 2. Mat. 13. 54-58. Mark 6. 2-6. Jap. 2. 47. Jon 6. 42.

23 Im E ba ñön ir, Emol kom naj ba ñön Iö pareböl in, Dru uno, kwon möke kemour yuk: men ko jabrewöt kim ar roñ ar kōmōni ilo Kaperneum, Kwon kōmōni bareinwöt ijin ilo enin Am.

Mat. 4. 13. & 11. 23.

24 Im E ba, Emol Ij ba ñön kom, Re jah buñburueir kin jabrewöt dri kanan ilo eneo an.

Jon 4. 44.

25 Emol Ij ba ñön kom, Elöñ kōra ejoko beleir r'ar ber i Israel ilo ran ko ran in Elaija, ke ekilik löñ lo-min jilu ylö im jiljino alñ, ke elap fitta ion aolepen eneo:

1 Kín 17. 9. & 18. 1. Jem. 5. 17.

26 A ar jab jilkinlok Elaija ñön

juōn iair, a ñōn Zarepat wōt i Saidon, ñōn juōn kōra ejoko belen.

27 Im elōñ dri leper r'ar ber i Israel ilo ien eo an Elaiša dri kauan: a ar jab karreoik juōn iair, a Neeman wōt dri Siria.

2 Kin 5. 14.

28 Im ir otemjej rej ilo imōn kwelok, ke rej roñjake men kein, rej obrōk kin illu,

29 Im rej jutōk, im kadrioljlok E jen jikin kwelok, im añinlok E ñōn ijo ej rimili, ijo kar kōmōnmōn air jikin kwelok, bwe ren kalōr kin tubōran.

30 A Ej etal iolapir; im ilok.

Jon 8. 59. & 10. 39.

31 Im Ej wōlōllok ñōn Kaperneum, juōn jikin kwelok i Galili, im katakin ir ilo ran Sabat.

Mat. 4. 13. Mark 1. 21-28.

32 Im re bwilōñ kin An nan in katak; bwe An in nan ekajur.

Mat. 7. 28, 29. Tait. 2. 15.

33 Im ilo imōn kwelok juōn armij, eo jitōb òn dimon òtton ej ber iben, im ej lamij im elap ainiken,

34 Im ba, Ta eo ibem im ibōm, Kwe Jisōs dri Nazeret? Kwoj iten kakkure kim ke? Ij kil Yuk wōn Kwe, Kwo Dri Kwojarjar an Anij.

Sam 16. 10. Dan. 9. 24. Jap. 1. 35.

35 Im Jisōs ej kowe e, im ba, Kwon ikōñ, im itok jen e. Im ke emwij an dimon battōk e na iolapir, e jutōklok jen e, im ar jab kokkure e.

36 Im ir otemjej rej bwilōñ, im rej konono iben dron, im ba, Nan òt in! bwe kin An iroij in kajur Ej jiroñ jitōb òtton ro, im rej jutōklok.

37 Im buñbuñ kin E ej ilok ilo jikin otemjej i ene ko iturin.

38 Im Ej jutōk im ilok jen imōn kwelok, im dreloñ ilōan imōn Saimōn. Im jilben Saimōn elap an iñtan kin nañinmij in bwil; im rej akwelap ñōn E kin e.

Mat. 8. 14-16. Mark 1. 29-34.

39 Im Ej jutōk ion, im kowe nañinmij in bwil; im ejoko jen e: im emōkōj an jutōk im jerbal ñōn ir.

40 Im ke al etulok, ir otemjej ro eor dri nañinmij ibeir kin jabrewōt nañinmij, rej bōktok ir ñōn E; im Ej likit pein ioir otemjej, im kemour ir.

41 Im bareinwōt dimon ro rej jutōklok jen elōñ, im rej lamij, im ba, Kwe Nejin Anij. Im Ej kowe ir im bōprae air konono; bwe re jela E dri Kraist.

Mark 3. 11.

42 Im ke erantak, Ej drioljlok im etal ñōn ene jemaren; im jar ko rej bukot E, im itok ñōn E, im rej kōnan drebij E, bwe En jab ilok jen ir.

43 Im Ej ba ñōn ir, Aet, In kwalok nan emōn an ailif in Anij ñōn jikin kwelok ko jet; bwe ar jilkin-tok Iō kin men in.

44 Im Ej kwalok ilo imōn kwelok ko in Galili.

Mark 1. 39.

JAPTER 5.

IM ke armij rej kobaj E bwe ren roñ nan in Anij, Ej jutōk iturin lomalo in Gennesaret,

Mat. 4. 18. Mark 1. 16.

2 Im Ej lo ruo wa jidrik rej ber iturin lomalo: a dri añwōr r'ar to jen wa ko, im rej kwoll ok ko air.

3 Im Ej uwe ion juōn ian wa ko, eo wa'n Saimōn, im kajitōk iben bwe en ilok jirik jen ene. Im E jijōt im katakin armij jen wa eo.

4 Im ke emwij An konono, E ba ñōn Saimōn, Kwon wōnmetolok im drorlol ok ko im añwōr.

Jon 21. 6.

5 Im Saimōn ej uak im ba ñōn E, Dri Kaki, kim ar añwōr aolepen boñ, im ejelok kwonam: a kin Am in nan I naj drorlol ok ko.

6 Im ke emwij air kōmōn men in rej kaboli elōñ iik: im air ok re nañin rup

7 Im rej jeale ro rajitair ion wa eo juon, bwe ren itok im jibōñ ir, rej itok im kalōñ wa ko ruo, inem re jino droij

8 Ke Saimōn Piter ej loe, ej buñ na i buken Jisōs, im ba, Kwon

ilok jen ið; bwe ña armij enana, O Iroj.

2 Samuel 6. 9. 1 Kin 17. 18.

9 Bwe e bwilõñ im ir otemjej iben, kin iik ko r'ar druoki;

10 Im ein drein bareinwõt iben Jemes im Jon, ro nejin Zebidi, ro rajitan Saimõn. Im Jisõs ej ba ñõn Saimõn, Kwon jab mijõk; jen ien in kwo naj druok armij.

Mat. 4. 19, 20. Mark 1. 17, 18.

11 Im ke emwij air tartok wa ko ñõn ene, rej likit men otemjej in lor E.

Mat. 19. 27. jap. 18. 28.

12 Im ke Ej ber ilo juõn jikin kwelok, lo juõn armij eobrõk kin nañinmij in leper: im ke ej lo Jisõs, ej buñbero, im akwelap ñõn E im ba, Iroj, elañe Kwo kõnan Kwoj maroñ in karreoik ið.

Mat. 8. 2-4. Mark 1. 40-44.

13 Im Ej erlokwe peñ, im uñire, im ba, I kõnan, kwon erre. Im emõkõj an nañinmij in leper joko jen e.

14 Im Ej jiroñ e bwe en jab kennanek jabrewõt armij: a kwou ilok, im kwalok yuk ñõn pris, im katok kin am erre, einwõt Moses e ar jiroñ, kin men in kennan ñõn ir.

Levai 14. 4, 10, 21, 22.

15 A elaplok An buñbuñlok kake: im elap jar ko rej kweloklok bwe ren roñjake, im mour jen mõiño ko air.

16 A Ej mõi ke ianlok ñõn ene jemaren im jar.

Mat. 14. 23. Mark 6. 46.

17 Im ilo juõn ian ran ko, ke Ej katakin, Parisi ro im ro dri kaki an kieu rej jijõt, r'ar itok jen jikin kwelok otemjej i Galili, im Judia, im Jerusalem: im kajur an Iroj iben bwe En kemour.

18 Im lo, armij rej bõktok ion kienien juõn armij e nañinmij kin akã: im rej bukok bwe ren kadreloñ e, im likit e iman mejen.

Mat. 9. 2-8. Mark 2. 3-12.

19 Im kin jar eo re jab lo ijo ren kadreloñ e, im rej wõnliñlok ion

mweo, im dror e lõl ilo juõn tal ion kinien iolap iman mejen Jisõs.

20 Im ke Ej lo air tõmak, E ba ñõn e, Armij, ejoko jerawiwi ko am.

21 Im skraib ro im Parisi ro re jino air kalomõnlokjen im ba, Wõu in ej konono blaspim ko? Wõu ej maroñ in julok jerawiwi ko, a Anij wõt?

22 A Jisõs e jela air lemnok, im Ej uak im ba ñõn ir, Ta eo komij kalomõnlokjen kake ilo buruemi?

23 Ewi iairro ebiruru in ba, Ejoko jerawiwi ko am; ak in ba, kwon jerkak im etal?

24 A bwe komin jela bwe Nejnin armij Ej maroñ in julok jerawiwi ko ion lõl, (E ba ñõn eo e ar nañinmij kin akã,) Ij ba ñõn yuk, Kwon jerkak, im bõk kiniõm, im etal ñõn mweo imõm.

25 Im emõkõj an jerkak iman mejeir, im kwotõke men eo e kar babu ion, im ilok ñõn mweo imõn im wijtake Anij.

26 Im ir otemjej rej bwilõñ, im rej wijtake Anij, im r'obrõk kin mijõk im ba, J'ar lo men in bwilõñ ko ranin.

27 Im elikin men kein, Ej ilok, im lo juõn dri tel owõj etan Lival, e jijõt i jikin owõj: im E ba ñõn e, Kwon lor ið.

Mat. 9. 9-13. Mark 2. 13-17.

28 Im e ar likit men otemjej im jutõk, im lor E.

29 Im Lival e ar kõmõnmõn kwojkwok elap iloan mweo imõn: im elap jar ro dri tel owõj im ro jet rej jiberak im mõiña ibeir.

jap. 15. 1.

30 A Parisi ro im skraib ro rej lotan ro dri kaloran, im ba, Etke komij mõiña im irak iben ro dri tel owõj im dri jerawiwi rõi?

31 Im Jisõs e uak im ba ñõn ir, Ro r'ejmour re jab aikwij dru uno; a ro re nañinmij.

32 I ar jab itok bwe In kir ro rewānik, a ro dri jerawiwi ñõn ukwelok ibeir.

1 Tim. 1. 15.